

Statuta Nitri

Colleg. Neap. Lat. insus.

287

STATUTA

SYNODALIA ECCLE

sie Nitrieñ. Anni

1494.

Quæ quomodo nunc in lucem prodierint,
& in quem usum, sequens pagina demon-
strabit.



VIENNAE AVSTRIAE IN AEDIBUS

collegij Caesarei Societatis lesa, Anno

M. D. LX.



STATUTE

REVISION

1870

1871

THE ACTS OF THE PARLIAMENTS OF GREAT BRITAIN AND IRELAND



THE ACTS OF THE PARLIAMENTS OF GREAT BRITAIN AND IRELAND

1870

1871



PAVLVS ABSTEMIVS Q VIN
que ecclesien. Dei, & Apostolica sedis gratia Episco-
pus Ecclesiæ Transylvanienſis, electus in Commendam
Episcopatus Nitriē. lociq; eiusdē Comes perpetuus &c.
Honorabilibus in Christo dilectis fratribus Plebanis,
Sacellanis, gratianis, altarium & sacellorum re-
toribus, Concionatoribus, ac quibuscunq;
alijs Diœcesanis Episcopatus Ni-
triensis, salutem in Domino
sempiternam.

SANCTISSIMORUM Patrum sanctissimis constitutionibus
in generalibus antiquis Concilijs statutum esse scimus,
Fratres in Christo nobis dilecti, ut singulis quibusq; an-
nis Synodum pro officio pastorali in sua quisq; Episco-
porum diœcesi celebraret: atq; de moribus cleri refor-
mandis, necnon de animarum cura salutaria documenta
daret. Verum quia ab aliquot iam annis (proh dolor)
talis Synodus in Ecclesia Nitriensi celebrata non fuit,
(cuius rei causam uobis bene notam esse putamus) ideo
nos, quantum in nobis erit, omni studio, ac paterna soli-
citudine constituimus diœcesanam Synodum, diuina fa-
uente gratia, conuocare, idq; cum primum à sede Apo-
stolica confirmationem Commendæ huius Ecclesiæ no-
stræ Nitrien. (quemadmodum futurum breui speramus)
obtinuerimus, sine qua huic nostro desiderio satisfacere
a ij minimè

minimè possumus. In ea uerò Synodo tractaturi, Deo bene propitio, sumus, quæ ad officium nostrum & uestrum in spiritalibus necessario pertinere uidebuntur. Nos quidem, ut apud uos quoq; excusati simus, prout coram Deo nos esse confidimus, ab eo sanè tempore, quo ad Ecclesiæ huius Commendam Dei benignitate electi sumus, confirmationem nostram sollicitare nunquam intermisimus. Sed tamen magnæ (quas, ob ingentia populi Christiani scelera, esse sæpe & inter Christianos permittit Deus, clementissimus alioquin cælestis noster pater) rerum publicarum perturbaciones in causa fuerunt, cur ad hunc usq; diem isthæc nostra optata confirmatio protracta sit atq; dilata. Porro quia, eandem ob causam quòd nondum illam sumus consequuti, rem hanc, Episcopalem iam dictam Synodum, inquam, non modò salutare, sed animabus etiam nostris ac uestris, totiusq; plebis curæ nostræ à Deo cōmissæ per necessariam differre, atq; in aliud tempus reijcere cogimur: consultò decreuimus cum hac nostra epistola antiqua quoq; Nitriensis Ecclesiæ statuta Synodalia, quæ summam sanctorum Canonum breuiter continent, quæq; utce diæcesana Synodi, donec illam possumus legitime in Ecclesia nostra Nitrien. celebrare, uobis esse possint, hinc ad uos mittere. Ea uerò quamuis non ita diu in Conseruatorio dictæ Ecclesiæ manu olim scripta inuenerimus, in plura tamen exemplaria ad uestram omnium commoditatem

ac eruditionem proprijs impensis excudi fecimus. Et
quia proxima Synodo, Christo Iesu benè propitio, de il-
lis omnibus, quæ illic habentur, plenius atq; pro ratione
horum temporū tractare statuimus, id solum nunc egi-
mus, ut annotationes quasdam ad calcem ipsarū consli-
tutionum haberetis, ex quibus quædam paulò difficilio-
ra, & non intellecta ab omnibus, & in quibus, ob cras-
sam etiam ignorantiam sæpe multi parochi seu plebani
impingunt, ac errant, plenius atq; planius intelligere-
tis: reliqua, si quæ fortè fuerint, in sæpe iam dicta Syno-
do, quādo placuerit Domino Deo nostro, intellecturi ex
nobis. Habebitis uos uerò interim, fratres mei, ac amore
filij in Christo dilectissimi, habebitis, inquam, uos inte-
rim formam & exemplar uitæ ac officij uestri, secun-
dum quod omnibus diebus dirigatis pedes uestros ad ser-
uiendum Domino Deo nostro, in sanctitate & iustitia
in uiam pacis. Animo itaq; hilari sancta hæc atq; per-
ueterusta maiorum documenta, dilecti filioli ac fratres su-
scipite, & zelo Dei sæpius ea perlegite: ac, ut factò ipso
etiam cum Dei adiutorio ea complere studeatis, uos plu-
rimum hortamur, et quemlibet uestrum per salutem ani-
marum uestrarū etiam atq; etiam obtestamur. Non enim
ut D. Paulus ait: Auditores legis iusti sunt apud Deum,
sed factores legis iustificabuntur, Rom. 2. D. quoq; Iaco-
bus, Estote, inquit, factores uerbi, & non auditores tan-
tum: quia factor operis, hic beatus in factò suo erit. Et

in Euangelio Dominus: Non omnis qui dicit mihi, Domine, Domine, intrabit in regnum cœlorum, sed qui fecerit uoluntatem patris mei. Iam uerò cum sancta Ecclesia Romanæ matris nostræ ac omnium fidelium statuta, cum sanctorum Conciliorum sanctiones orthodoxis patribus ab ipso spiritu sancto inspiratæ, tanta cum ueneratione à sanctis patribus maioribusq; nostris omnibus susceptæ sint. ut B. Gregorius dicere in registro suo lib. 1. cap. 24. & lib. 2. cap. 49. & lib. 3. cap. 33. sanctissimè audeat: sicut S. Euangelij quatuor libros, sic quatuor Concilia (S. generalia, quæ tantum D. Gregorij tempore fuerant celebrata) suscipere & uenerari me fateor. Hæc tota deuotione amplector, & integerrima approbatione custodio. Non est cur dubitetis uos animas uestras, et subditorū uestrorū, o filij atq; fratres, mihi in Domino dilecti, non est, inquam, cur dubitetis ad normam harum constitutionum, quas uobis mitto, quæ nihil à doctrina horum Conciliorum & statutis Ecclesiæ Romanæ alienum habent, & secundum eas animas uestras, et subditorū uestrorū effingere et formare. Sed dicet fortè quispiam (non enim omnes rectè nec recta sapiunt) Hæc non sunt Euangelia, non sunt scripta in Euangelio. Audite filij, & nolite cum insipientibus loqui, sed cum sapientibus & sanctis sentite & loquimini. Sic D. August. ait lib. 1. contra Cresconium Grammaticum cap. 33. Proinde quamuis buius rei certæ de discipulis

plinis Canonicis non proferatur exemplum, earundem
tamen scripturarum etiam à nobis tenetur ueritas, cum
hoc facimus, quod uniuersa iam placuit Ecclesiæ, quam
ipsarum scripturarum commendat autoritas, ut quo-
niam S. scriptura fallere non potest, quisquis fallere
metuit, huius obscuritate quæstionis eandem Ecclesiam
de illa consultet, quam sine ulla ambiguitate S. scriptus
ra demonstrat. Videtis filij, quanta ueneratione ea, quæ
ab Ecclesia matre uestra & nostra traduntur, debeatis
obseruare. Videtis ea non esse minus obseruanda, & cer-
ta, quàm ea, quæ in scripturis Canonicis sunt. Sed si ro-
gatis quare ita sit, eundem sanctum audite ad Ianuarium
scribentem epist. 128. cap. 1. Illa autem quæ non scripta
(S. in Euangelijs uel sacris Biblijs) sed tradita custodi-
mus, quæ quidem toto orbe terrarum obseruantur, dan-
tur intelligi, uel ab ipsis Apostolis, uel à plenarijs Con-
cilijs, quarum est in Ecclesia saluberrima autoritas, com-
mendata atq; statuta retineri. Fatemur itaq; filij, has
constitutiones quas uobis mittimus, non ita expressè in
Euangelijs, sed ea tamē sunt, quæ, ut uidistis, tanquā ab
ipsis Apostolis tradita uel toti Ecclesiæ, & cuius Epi-
scopatus data, ab omni Christiano clero meritò obser-
uari debent. Hæ etenim orthodoxæ constitutiones ad Eu-
angelij pleniorē obseruationem ex traditionibus uni-
uersalis Romanæ Apostolicæ Ecclesiæ, atq; ex ipsis Con-
cilijs particularibus, & uniuersalibus, à sanctis patri-
bus

bus coepiscopis maioribus & predecessoribus nostris
collecta, & in Canones, id est, regulas redacta sunt ad
nostram omnium salutarem eruditionem, iuxta illud A-
postoli: Quaecumque scripta sunt, ad nostram doctrinam
scripta sunt. Non sunt itaque, fratres mei, non sunt, in-
quam, humanae traditiones, quas uobis mittimus (ut praes-
entis temporis haeretici infelicissimi, ac nimium misera-
di homines asserunt) sed sanctorum sunt Apostolorum
Iesu Christi, salutifera documenta, quasi per manus ipso-
rum Ecclesiae catholicae ac nobis tradita, atque commenda-
ta: per quae ad perfectiorem uiam salutis, tanquam per
semitam quandam mandatorum Dei, nos mater nostra
deducit. Hanc igitur sanctorum Canonum uiam fratres
tenete, hanc diligite, amate, & obseruate. Ab hac, si quis
ex uobis diabolica fraude decepti, forte aberrare coepe-
runt (quod à uobis longè abesse optamus) primo quoque
tempore incunctanter redeant, hanc constanti animo &
intrepido amplectantur, huic insistant, hanc teneant,
hanc gressibus suis terant. In hac enim una pedes, in pra-
parationem Euangelij pacis calceati, non impingunt,
neque offendunt: quia tenebrae haeresum eam non compre-
henderunt, neque offuscarunt, quam sol iussit. Christus
suo radio indeficienti abundè illustrat. Haec est uia illa,
qua omnem clerum uerè Christianum, ad illam unam,
sanctam Ecclesiam catholicam, Apostolicam, Romanam,
quam Christi sponsam credimus, quam à Spiritu S. regi-
stramus.

fatemur, quam in Symbolo Apostolorum quotidie nominamus & confitemur, cuius pars cum Domino est, saluum indubitanter adducit, & in ea conseruat: extra quam Ecclesiam unam & sanctam (in qua unitas, pax, fides Christi, spes & charitas, pietatis & charitatis opera, diuinus etiam internus ac externus cultus, ueraq; religio, uerè & non alibi regnant) nemo salutem animæ suæ inueniet. Nam sicut pisces extra aquam, sic extra hanc Ecclesiam, in qua sola uiuificans Dominus spiritus est, animæ neq; sibiipsis, neq; alijs, & multo minus Deo uiuere possunt. Neq; tamē arbitretur se quisq; in Ecclesia hac esse, qui uel eius præcepta despiciit, uel statuta cane peius & angue, ut dici solet, odit, uel sanctiones Ecclesiasticas, ac adeò pastores ipsos, & Christi omnes ministros abiicit, conculcat, blasphemat. Longè etiam ille ab hac Ecclesia sancta Christi sponsa, discessit, qui se sola fide posse saluari præsumptuosè affirmat (fides enim sine operibus nō magis potest esse uiua, quàm ignis ardere absq; calore) qui opera bona ad salutem Christianis esse necessaria negat, qui huius farinae composita alia mendacia, tamq; ueritatem ipsam mordicus tenet uel docet, quamuis præsentis seculi pseudoapostoli, ne dicam præcursores Antichristi, peruersis dogmatibus & impijs consilijs, sectatoribus suis blandiuntur, & hac atq; alia diaboli inuenta pro ueris suos maxime docent auribus prurientes, ac leuissimos discipulos homi-

nes ac potius demonēs incarnati, illuſores, ſuperbi, elati,
abſq; fœdere, ut D. Paulus ait, abſq; miſericordia, qui
proprijs conſcientias cauterizatas habentes, ignorant
ſeiſpos & Domini Eccleſiam, qui pauperes & inopes,
& laſciuiæ deditos et luxui maxime decipientes, ac in-
doctos, rectos quoq; corde Dei filios opprimere impru-
dentes, ac trucidare mille in primis modis (ſed fruſtra)
ſtudent, contendunt, nituntur. Tales fuerunt noſtro tem-
pore, qui non ſunt, Lutherus ſpiritus uertiginis infeli-
ſſimus, Zuinglius, Caroloſtadius, Oecolampadius, Buce-
rus, & iſti, Melancton, Fuſterus, Vrbanus Regius,
Stancarus, Sarcerius, Illyricus, Suenckfeldius, qui non
ſunt, quia Deo mortui ſunt, ac diabolo miſeri utuntur.
& alij omnes qui illorum peruerſam doctrinam am-
plexi & ſecuti ſunt, & ſequuntur, quiq; ab Eccleſia ſan-
cta Catholica, una, Apoſtolica atq; Romana ſeſe hac
noſtra ætate ſegregarunt, qui nihil niſi carnalia, in ca-
thedra peſtilentiæ ſedentes, docent, & conſuunt puluil-
los ſub omni cubito manus, & faciunt ceruicalla ſub ca-
pite uniuerſa ætatis, ad capiendas animas, mentientes
populo meo credenti mendaciū, ut Ezechiel ait 13. cap.
de quibus idē Prophetæ ca. 22. ſic habet, Prophetæ au-
tem eius liniebant eos abſq; temperamento, uidentes uer-
na, & diuinantes eis mendacium. Hi igitur car-
nis prædicatores, non Deo ſed hominibus placentes,
contra Chriſti Domini Euangelij meram ueritatem,
ſemen

se mendacijs opponunt, portamq; & uiam salutis no-
stræ, quam Christus Dominus noster ita angustam &
spinosam, sicut inferni latam & spaciosam esse, docuit:
ipsi, dictum Domini peruertentes, inferni aditū arctum,
angustum, & ad quem nullus accedit: salutis uerò uiam
contra, latam & spaciosam esse, omnesq; saluari in uia
peccatorū stantes, per perā & impudenter prædicant
& affirmāt. Videte igitur fratres, quomodo in die cau-
tè ambuletis. Videte, inquam, & in Domino sapite, ac
state in uijs maiorū uestrorum, quoniam dies mali sunt.
An non isti uerè Antichristi sunt, quorum peruersa do-
ctrina ex diametro Christo Domino nostro aduersatur:
nonne apertè falsa docent, nōnne animas à Christo le-
su seducunt? Attendite itaq; o fratres in Christo dilectis-
simi, à talibus pseudoeuangelistis, mendaciorum magis-
tristris. Isti, inquā, diaboli doctores sunt: hæresim docēt:
animas ad æternam damnationem trahūt, præcipitant,
& transuersas agunt. Caute, nolite esse securi. Caue-
te, inquam, ab eis, quantum maxime potestis, caute à
fermento istorum phariseorum, & ab eorum damna-
torum dogmatum lectione fugite, & eorum uerba
nolite audire, & quæ ipsi scribunt, detestamini.
Incurrunt enim legentes in excommunicationem, à qua
non possunt nisi à summo Pontifice Romano, uel ab eis
qui sup hoc habēt ab eo facultatē, absoluti: idq; factū me-
ritò ac optime. Nam eorū libri & scripta ea sunt, quæ
b ij procul-

proculdubio simplices legentes in primis retrahunt, ac
postmodum in profundum inferni baratrum eos praeci-
pitant. Legite scripta sanctorum doctorum, quae sancta
mater nostra Ecclesia Catholica, Apostolica, Romana
recepit & approbavit, scripta, inquam, diuorum Gregorij,
Ambrosij, Hieronymi, Augustini, Chrysostomi, Cypria-
ni, aliorumque sanctorum patrum ac uetustissimorum Ec-
clesiae doctorum. Recentiorum uero Ioannis Ecchij scri-
pta. Item Ioannis Fabri, F. Nausea, Episcoporum Vi-
ennen. B. Rophensis Episcopi, Hosij Varmiensis Episco-
pi, D. Cromeri, Clytouei, Staphili, ac aliorum prae-
stantissimorum Theologorum. Legite praeterea Catechis-
mum uerè Catholicum Societatis Iesu, Collegij Viena-
ensis, legite breue directorium sacramenti Confessio-
nis, quae cum praesentibus literis & constitutionibus,
per nos, pro xenio huius noui anni, ad uos mittimus:
& quae ore legitis, ut corde (sicut alibi scriptum est) cred-
datis, atque opere cum Dei gratia compleatis, uos pluri-
mum rogamus: ac si par est, oramus & obsecramus, fra-
tres in Christo dilectissimi, ut hac ratione tandem audi-
tores uestros, uerbo pariter & exemplo uestro bono dos-
cere, & caelestis uita formam eis praeberè possitis. In
horum enim sanctissimorum doctorum diligenti & fre-
quenti lectione, semoto omni dubio, inuenietis sanè hanc
pnam, sanctam, Catholicam, Apostolicam, Romanam
Ecclesiam, cui adhaerentes errare non poteritis, quam
sequuti

sequeuti salui eritis, in qua ueram Christi doctrinam atq;
a deo ipsum Christum Iesum Dominum nostrum inue-
nietis, cum Patre & Spiritu sancto, & in eo semper
tanquam uiua membra per opera bona manentes, uitam
quoq; illam beatam & aeternam, nobis ab aeterno per
lignum sanctae Crucis preparatam, post hanc uitam
recipietis. Datum Nitria die XXI, mensis Ianua-
rij, Anno salutis M. D. LX.

INDEX MATERIARVM

atq; Synoda'ium constitutionum
huius operis.

| | |
|--|----------|
| Procemium operis | folio 2. |
| De Baptismo capitulum primum | fol. 3. |
| De Confirmatione cap. secundum | fol. 4. |
| De Pœnitentia cap. tertium | fol. 5. |
| De Eucharistia cap. quartum | fol. 7. |
| De extrema unctione cap. quintum | fol. 8. |
| De ordine cap. sextum | fol. 9. |
| De Sacramento matrimonij cap. septimū | fol. 10. |
| De interdictis cap. octauum | fol. 11. |
| De nuptijs cap. nonum | fol. 12. |
| De banno matrimonij cap. X. | fol. 13. |
| De custodia Sacramentorum cap. XI. | fol. 14. |
| De celebratione diuinorum officiorum cap. XII. | fol. 15. |
| De Symonia cap. XIII. | fol. 16. |
| De sepulturis cap. XIII. | fol. 17. |
| De decimis & pœna cap. XV. | fol. 18. |
| De sententia excōmunicationis cap. XVI. | fol. 18. |
| De habitu clericorum cap. XVII. | fol. 20. |
| De clericis concubinarijs & pœna cap. XVIII. | fol. 20. |
| De clericis negociatorib. cap. XIX. | fol. 25. |
| De | |

De diuinis in Ecclesia perageñ. cap. XX. fol. 24.

Quales sint promouendi ad ordines sacros cap.
XXI. fol. 24.

De usurpantibus iura Ecclesie cap. XXII. fol. 25.

De poena non confirmatorum in beneficijs cap.
XXIII. fol. 26.

De poenis non resideñ. in beneficijs cap. XXIII.
fol. 26.

Contra absentes cap. XXV. fol. 27.

Qualiter testamenta fiant cap. XXVI. fol. 27.

Quòd relicta ad pias causas malè ablata infra
sex mēses executioni mandētur cap. XXVII.
fol. 28.

De excommunicatis uitandis cap. XXVIII. fo-
lio 28.

ALIAE CONSTITVTIONES.

De casibus reseruatis cap. XXIX. fol. 29.

De religiosis mendicant. cap. XXX. fol. 30.

De officio Archidiaconorum cap. XXXI. fo-
lio 32.

De commestationibus cap. XXXII. fol. 32.

De usurarijs cap. XXXIII. fol. 33.

De usurpatoribus Ecclesiarum cap. XXXIII.
fol. 34.

Interdictum contra illos qui pueros suos infra
octo dies baptizari non faciunt cap. XXXV.
fol. 34.

De festiuitatibus colendis cap. XXXVI. fol.
lio 35.

Casus quos quilibet confessor scire tenetur, fol.
lio 36.

Quot modis maior excommunicatio contrahi-
tur, fol. 37.

Minori excommunicatione ligati, fol. 38.

Casus in quibus compellitur confitens ad resti-
tutionem, fol. 38.

CONSTITUTIONES SYNODALES ECCLESIAE NITRIEN. ANNI 1494.



ICUT doctor summus, & egregius beatus Augustinus testatur in libro de fide Christiana, Catholica Ecclesia per orbem terrarum diffusa, tribus modis existere comprobatur. Quicquid namque in ea tenetur, aut est autoritas scripturarum, noui & ueteris testamenti, uel uniuersalis traditio, aut instructio propria & particularis, authoritate autem ipsarum sacrarum scripturarum totaliter gubernatur: ex uniuersali traditione maiorum nihilominus regitur ipsa tota. Priuatis uero constitutionibus, & proprijs informationibus, pro locorum uarietate regitur unaquaeque. Ea propter: Nos Antonius Dei & Apostolica sedis gratia Episcopus Nitriensis, locique eiusdem Comes perpetuus, quadam ad informationem morum, & Ecclesiarum nostrae Diocesis profectum, ac delictorum coercionem, prudentum participato Consilio, & consensu fratrum nostrorum de capitulo, Infrascriptas constitutiones edidimus, prout ipsarum utilitati credimus expedire, ipsasque in Cleri nostrae Diocesis notitiam scriptis praesentibus duximus transfe-

A transferendas, & in hac sancta Synodo publicandas,
mandantes easdem sub pœnis adiectis inuiolabiliter ob-
seruari, & super illarum obseruatione, omnes, & sin-
gulas personas Ecclesiasticas nobis iure Diocesano sub
iectas, primò, secundò, & tertio, ac peremptoriè admo-
nentes, pœnasq; speciales, & alias quasq; insertas ex
nunc, & ipso facto contra ipsarum temerarios
transgressores proferentes, Constitutio

B nes ipsas interpretandi, declarandi,
addendi, ac minuendi &, con-
tra ipsas disputandi, no-
bis nostrisq; successo-
ribus facultate ple-
naria reseruantes.



PROOEMIUM.

Charissimi fratres, Sacerdotes Domini, ac coopera- **A**
tores officij nostri uos estis. Nos quidem ac ceteri
Archiepiscopi, seu Episcopi, licet indigni locum Aaron
tenemus, uos Eleazari. Nos uice duodecim Apostolo-
rum fungimur, uos instar septuaginta duorum discipu-
lorum: Nos pastores uestri sumus, uos pastores commis-
sa uobis plebis: Nos summo pastori Domino nostro Iesu
Christo in communi de uobis rationem reddituri sumus,
uos uero de plebibus uobis commissis. Vestram itaq; in **B**
Domino hortamur fraternitatem, monemus, atq; obse-
cramus, ut memoriae commendare & adimplere summo
opere studeatis illud, quod est necessarium ad officij uo-
bis commissi onus, rite, ac legitime peragendum. Duo
uero principaliter unicuiq; uestrum necessaria esse no-
scuntur. Primum est uita, & conuersatio irreprehensi-
bilis. Secundum est scientia commendabilis, & hac pra-
cipue in quatuor consistunt. Primo in Ecclesiasticorum **C**
sacramentorum administratione. Secundo in eorundem
cauta custodia & contractione. Tertiò in Diuinarum
officiorum celebratione. Quartò in animarum & eccle-
siarum regimine ac dispositione. Primo itaq; uobis uita
& conuersatio irreprehensibilis, quò ad uos, & quò ad
alios est necessaria: uobis necessaria est uita uestra, sed
alijs fama uestra. Vnde inquit Dominus in Euangelio,

A ij Sic

A Sic luceat lux uestra coram hominibus, ut uideant opera uestra bona, & glorificent patrem uestrum, qui in cœlis est: alioquin secundum prophetam, si Sacerdos, qui unctus est, peccauerit, faciet delinquere populum. Sacerdos enim bene docendo, & male agendo Deum instruit qualiter cum debeat condemnare, & tot mortibus, nexibus digni sunt addicti, quot subditos ad exempla perditionis transmittunt. Vt igitur uita & conuersatio uestra irreprehensibilis appareat, & ceteris luceat per
B exemplum, expedit uobis, ut quæ sequuntur attendatis. Nullus enim arma uel gladios ad feriendum deferat, nisi ex iusta, & probabili causa timoris. Nullus comam nutriat atq; barbam: sed unusquisq; comam & tonsuram habeat congruentem. Nullus ebrietatibus, crapulis, percussoribus, & blasphemijs uacet, nullis spectaculis, quæ aut in nuptijs, aut conuiujs seu choreis habentur intersit. Vnusquisq; uestrū dolos et cōiurationes caueat: odiū, emulationes, detractiones atq; inuidiā fugiat. Non uagis oculis, non effræni lingua, aut petulanti gestu incedat: sed pudorē mentis, simplici habitu, & incessu ostendat. Senioribus debitā obedientiā & reuerentiā præbeat, & ab omnibus illicitis cor, linguā, corpus Deo autore cōseruet. Curam pauperum & aliorum miserabilium personarum habeat: uiduis & orphanis, ac pupillis auxilium impendat. Et tam in his, quàm in alijs, totius boni exemplum in uobis præbete. Primum sciatis, Sacerdotis esse
officiū

officium, omnibus prodesse, nulli autem nocere uelle. *Secundo* quoque scientia conuenit uos esse ornatos, ne illam audire mereamini prophetica sententiam: Tu scientiam repulisti, & ego te repellam, ne sacerdotio fungaris mihi. Vilissimus quippe reputandus est, nisi præcellat scientia, qui præstantior est honore. Et secundum Prophetam: Labia Sacerdotis custodiunt scientiam, & legem requirunt ex ore eius, quoniam Angelus Domini exercituum est. Ignorantia enim sacrarum scripturarum præcipue in ministris Ecclesiæ, ignorantia B est Christi, id est, ignorat Deum, & Deus ipsum. Vnde scriptum est: Ignorans ignorabitur. Et secundum Euangelicam ueritatem: Si cæcus cæco ducatum præbeat, ambo in foueam cadunt. Vobis enim datum est nosse mysterium uerbi Dei, cæteris autem in parabolis. Omnis enim poscenti de fide tenemini reddere rationem. Quadruplici autem scientia uos conuenit exornari, prout dictum est. Et primo illa, quæ in Sacramentorum Ecclesiasticorum administratione consistit, quæ sunt septem, uidelicet Baptismus, Confirmatio, Pœnitentia, Eucharistia, Ordo Sacerdotalis, Matrimonium, & extrema Unctio, de quibus singulis aliqua sub compendio pertractemus. Et primo.

A ij DE

DE BAPTISMO CAP.
tulum primum.

- A** Baptismus enim est primum Sacramētum, ianua, & fundamentū omnium aliorum, quonon recepto, nulla alia profunt ad salutem. Per illud enim ingreditur ad Christum. At ubi Christus non est fundamentum, nullum boni operis superest ædificium. Pro infantibus ergo baptizandis, uel pro confessione alijsq; Sacramentis præmium, aut pretium requirere nolite. Et ne propter uestrā negligentia, infans aliquis sine baptismo decedat, cauete. Vnaqueq; Ecclesia baptismales fontes lapideos habeat, si potest habere: alioquin ad hoc habeat ligneū specialē. Parochianos uestros admonete, ut suos filios & filias, imò & ipsos patrilios, ut eos, quos è sacro Baptismatis fonte susceperunt, Symbolum, id est, Credo, & orationem Dominicā, scilicet, Pater noster doceant, bonisq; moribus informēt. Cæterum, si infantuli nati propter mortis periculum uobis
- C** ad baptizandum nequiuertint præsentari, ab hominibus circumstantibus masculis, uel illis non existentibus, à sceminis baptizentur, uel etiam à patre uel matre, si alijs desunt: in hoc enim casu pater uel mater non delinquant, sed merentur.
- Ba

Baptismus enim in mortis articulo, etiam ab hæ- A
 retico siue schismatico secundum formam Eccle-
 siæ collatus prodest ad salutem. Sæpißime etiam
 plebibus uestris baptis- mi formam, ut eam di-
 ligenter, cùm necessitatis articulus occurrerit,
 obseruent, insinuate: scilicet, ut baptizans infan-
 tem, imposito prius sibi nomine, producto
 crucis signo super aquam, ter in modum cru-
 cis immergat illum in aquam, dicens: A. uel Pe-
 tre uel Paule, B. Ego te baptizo in nomine Pa- B
 tris, & Filij, & Spiritus sancti, Amen. Et si ne-
 scit literas baptizans, hoc uulgariter dicat. Ve-
 runtamen si tantum semel immerfit, & infanti
 nomen impositum non fuerit, nihilominus in-
 fans baptizatus est, dummodo præmissa for-
 ma uerborum seruetur. Vbi uerò tanta a-
 quæ, uel temporis copia, uel uas aptum ad hoc
 haberi non potest, ut totaliter in aqua mergi
 possit, cum scutella uel alio uase aliqua aquæ C
 quantitas super caput uel corpus infantis, di-
 cendo præmissa uerba, fundatur. Porro ubi
 in articulo necessitatis infans à Laico bapti-
 zatur, si supervixerit infans, quanto citius fie-
 ri poterit, presbytero præsentetur: qui si di-
 ligenti examinatione & inquisitione præmissa,
 ipsam formam non esse seruata inue-
 nerit,

Anerit : illum iuxta formam Ecclesiæ baptizet : si
uerò dubium sit, quia fortè baptizans quibus
uerbis usus est, ad plenum non recordatur: uel
fortè qui præsentes fuerant ab inuicem discor-
dant: tunc illum baptizet his uerbis, Si tu bapti-
zatus es, non te rebaptizo: si autem non es, ego
te baptizo in nomine Patris, & Filij, & Spiritus
sancti. Idē quoq; seruandū est, ubicunq; dubita-
tur, an aliquis sit baptizatus uel non. Si uerò Sa-
Bcerdoti constiterit, infantem à Laico fuisse iuxta
formam Ecclesiæ baptizatum, non rebaptizet,
neq; catechizet eum, sed solum inungat in pe-
ctore, & inter scapulas oleo benedicto, & in uer-
tice Chrismate sine interrogatione illa, Abrenun-
cias Satanæ: &c. dicendo orationes, quæ in tali-
bus unctionibus post baptismū dici solent. Nul-
lum religiosum, uel interdictum, aut excommu-
nicatum, uel qui non est baptizatus, debet reci-
Cpere scienter in patrinum, id est, in compatrem:
& sicut compater est parentum infantis ille, qui
leuat in baptismo, sic & sacerdos qui baptizat.

DE CONFIRMATIONE

Capitulum secundum.

Secundum autem Sacramentum Ecclesiæ, est
Con

Confirmatio, à Christo institutum, qui Aposto- **A**
 los suos confirmauit, & per eos, eorum successores
 res populos suos confirmandos instruxit. In hoc
 Sacramento, sicut & in baptismo, compaternitas
 contrahitur impediens matrimonium contrahen-
 dum, & dirimens, id est, separans, iam contractū:
 nullus tamen debet bis confirmari, sicut nec bis
 baptizari. Nullus, nisi ipse sit confirmatus, alium
 ad confirmandum præsentet. Nullus proprium
 filium suum, uel è conuerso, nec uir uxorem, uel **B**
 è conuerso in confirmatione teneat, uel præsen-
 tet. Non plures unum, uel unus plures confir-
 mandos teneat, ne obliuio ex tempore diuturni-
 tatis, uel personarum multiplicatione proueniens
 peccandi occasionem inducat. Nullus hoc Sacra-
 mentum, nisi baptizatus sit, recipiat. Nemo sine
 hoc sacramento finire uitam debeat, ideoq; sæpe
 dicatur Laicis per presbyteros, ne diu expectent
 confirmari: & hoc faciant fieri de pueris suis. Sa- **C**
 nè cū aliquis in confirmatione Chrismate inun-
 gitur, caput eius alba tela circumligetur: ne res-
 cens defluat, uel deleatur: quæ tela per tres dies,
 uel saltem per unum portetur. Et tunc loca dili-
 genter premantur tela aquosa, & igne combu-
 ratur, & aqua illa in ignem mittatur.

B DE

DE POENITENTIA CAPI-
tulum tertium.

Tertium uerò Sacramentum, est poenitentia,
quæ secundum beatum Gregorium est, Præter
rita mala deplangere, & plangenda iterum non
committere. Debent autem in omni uera poeni-
tentia adesse tria, uidelicet, cordis contritio, oris
confessio, si confitens loqui potest, & operis sa-
tisfactio iuxta posse: etiam quartum necesse est,
uidelicet firmum propositum ulterius non pec-
Bcandi. Igitur ne propter uestram desidiam ali-
quis sine poenitentia decedat, diligenter cauetur:
quoniam, secundum Iulium Papam, Sacerdos
poenitentiam negans, reus est animarum. Caue-
te itaq; & discretè in poenitentijs imponendis
uos habete: ne alios incautè absoluendo uosipsum
periculosè ligetis. Porro iuxta Concilium gene-
rale in confessionibus audiendis, & in poeniten-
tijs imponendis discretum oportet esse Sacerdotem,
& cautum: ut more periti medici uinum, &
oleum infundat uulneribus sauciati, diligenter in-
quirens, & peccatorum circumstantias, & pec-
cata, quatenus prudenter intelligat, quod eis de-
beat præbere consilium, & quale remedium ad-
hibere, Diuersis experimentis ad sanandū ægro-
tum

tum utatur. Caueat autem omnis Sacerdos, ne A
 uerbo, uel signo, aut alio quouis modo prodat
 peccatorem: sed si prudentioris consilio indiget,
 illud absq; ulla expresse personæ, cautē requi-
 rat: quoniam, qui peccatum in poenitentiali foro
 sibi detectum præsumpserit reuelare, non solum
 est à Sacerdotali officio deponendus, id est, de-
 gradandus, uerumetiam ad agendam poeniten-
 tiam perpetuam in arctum monasterium, id est,
 perpetuos carceres, detrudendus. Sanè in absolu- B
 tione poenitentis hæc forma seruetur, ut, uideli-
 cet sacerdos confitenti, facta per eum confessione
 generali, dicendo: Confiteor Deo Patri &c. dicat
 sic: Iniungo tibi poenitentiam talem, siue satisfac-
 tionem pro peccatis tuis, quæ mihi cum contri-
 tione confessus es, & concedo, ut omnia alia bo-
 na, quæ feceris, tibi ad peccatorum tuorum rem-
 issionem proficiant. Demum ponat manus suas
 per caput eius, & dicat: Indulgentiam & absolu- C
 tionem, & remissionem omnium peccatorum tuo-
 rum tribuat tibi omnipotens & misericors Do-
 minus, & Ego, autoritate Domini nostri Iesu
 Christi, & Ecclesiæ suæ sanctæ, & beatorum Apo-
 stolorum Petri & Pauli, ac etiam officio & auto-
 ritate mihi commissa, absoluo te ab his peccatis,
 quæ confessus es, & his quæ oblitus es, & restitue

B ij tuo

A tuo te communioni fidelium, ac participationi sacramentorum Ecclesiasticorum, & ita sis absolutus coram Deo & angelis eius, in nomine Patris, & Filij, & Spiritus sancti, Amen. Demum confessor præcipiat confitenti, ut, si postmodum recordatus fuerit alicuius peccati, quod non fuerat confessus, ueniat ad eum, & confiteatur illud. Nullus alieno Sacerdoti peccata sua confiteatur, à suo sacerdote licentia nō petita. Quam quidem
B licentiam nullus uestrum requisitus, & rogatus dolosē uel malitosē denegare presumat. In quibusdam tamen casibus liberē potest quisq; alieno Sacerdoti confiteri, à suo Sacerdote licentia non petita. Primus est, si hoc Episcopus alijs specialiter delegauerit. Secundus, si peccans in alia parochia uult illud sacerdoti illius parochiæ confiteri. Tertius, si suum domicilium ad aliam transtulit parochiam. Quartus, si aliquis est uagabundus. Quintus, si periculum sibi imminet, nec habere potest proprium sacerdotem, quo casu etiam alieno Sacerdoti confiteri potest, imò, & Laico & etiam mulieri. Item confessiones mulierum nō in loco occulto, sed patenti audiat Sacerdos, nec earum facies uideat, sed caputium uel manus ante oculos teneat, nec alias faciem auertat; si fortē per confessionem mulierum, notabile
pet

7
peccatū audierit, nec spuat, nec faciem torqueat, A
aut signum aliquod faciat, per quod peccatorem
terreat, uel rubore aut uerecundia confundat, ita
ut reliqua peccata sibi timeat confiteri uel reue-
lare. Nullus nominatim excommunicatum, uel
interdictum, uel usurarium manifestū, nisi in mor-
tis articulo, absq; nostra licentia absoluat. Imò, &
tunc satisfactione competenti præhabita, aut de
satisfaciendo cautione idonea adhibita, iuxta iur-
is & aliarum constitutionum formam. Illud po- B
stremo adiicimus: Quòd Sacerdotes plebes sibi
commissas frequenter ad confessionem & poenitentiam
moneant & hortentur. Ad hoc adiici-
mus: Quòd Sacerdotes malè ablata incerta sibi
à confitentibus assignata, nostro poenitentiario
exhibere, uel assignare non differant, & ea nul-
lus retinere præsumat. Caueat insuper quilibet
Parochialis Sacerdos, ne à Parochianis suis in
infirmitate constitutis, pro Sacramentorum mi- C
nistrante, censum uel pecuniam exigere præsu-
mat. Item confessor iniungēs confitenti sibi, quòd
aliquas missas faciat celebrare, non offerat se ad
celebrandum ipsas, ne propter quæstum eas in-
iungere uideatur: quāuis alias debeat esse bene-
uolus, & paratus peccatorem erigere, & onus
suum ferre, Sed nec tacitè nec expressè Sacerdos

Aliquid exigit pro poenitentia quam iniungit, sed cum confitens proprio motu aliquid offerre uoluerit sibi, recipere non negamus.

DE EUCHARISTIA CA
pitulum quartum.

Quartum autem Sacramentum est Eucharistia, Eucharistia autem Græcè, Latinè dicitur dator gratiæ, uel bona gratia. Fratres itaq; charissimi, corpus & sanguinem Domini nostri Iesu Christi cum reuerentia sumite : homines fideles manu propria communicate : semper in Ecclesia paratâ pro infirmis Eucharistiâ habete : ipsamq; sub clau in loco honesto reseruare studetè : quâ sæpe renouare curate, ne hostia corrumpi possit. Requiriti ad infirmos sine mora festinate, ne sine communionem decedant. Eucharistiam in decenti uase deferre, cum suprapellicio albo, uel alio habitu honesto, cum stola, lumine & campanella præcedentibus, quam per uos ipsos, ut præmissum est, ferre & deferre curate, & manifestè ante pectus cum omni reuerentia & honore : ut fidei deum deuotio augeatur, dicendo in eundo septem Psalmos poenitentiales. Et dum corpus Domini defertur ad infirmum, ut omnes fideles flexis genibus

nibus illud deuotè adorent, sedulò instruite. Nos **A**
autem omnibus uerè pœnitentibus, & confessis,
in eundo & redeundo reuerenter & deuotè, hu-
militer illud associantibus, de iniunctis sibi pœ-
nitentijs duodecim dies misericorditer relaxa-
mus. Cum autē semel in anno fideles populi com-
municare consueuerunt, Parochianos uestros
præmonere studete, ne eorum aliquis, in mortali
peccato occulto uel manifesto existens, commu-
nicare præsumat: alioquin iudicium sibi mandu- **B**
cat & bibit, id est, etiam damnationem sibi dispo-
nit. Et si fortè aliquis occultus peccator ad com-
munionē publicè accedere præsumperit, & uo-
bis de hoc constiterit, priuatò & secretè admone-
te, ut communicare non præsumat, donec uerè
contritus & confessus fuerit: qui si abstinere no-
luerit, publicè sibi communionem non negate.
Si uerò secretè à uobis petierit, à communione
eum omnino repellite. Si autem peccatum eius, **C**
de quo non est uerè confessus, manifestum sit,
debet sibi publicè communicatio denegari. Hostias
de alio quàm de puro, & de mundo grano fru-
menti non facietis, nec aliquid illi admiscere debe-
tis. Si autem uestrum corpus Dominicum in lo-
co inhonesto, & non sub fida custodia, aut infir-
mis sine decenti illuminatione & apparatu deno-
tato

A'tato tenuerit uel detulerit, in florenò uno usualis
monetæ pro qualibet uice, dum contrarium fece-
rit, mulctetur: cuius medietas Archidiacono suo,
alia medietas Cameræ nostræ applicetur, distri-
ctè mandantes Archidiaconis, ut in uisitatione
de prædictis diligenter inquirent, & nobis sal-
tem in Synodo referant.

CAPITVLVM QVINTVM.

BDE extrema unctione, quod est quintum sa-
cramentum, ait beatus Iacobus: Infirmatur quis
ex uobis, inducat presbyteros Ecclesiæ, & orent
super eum, ungentes eum oleo sancto in nomine
Domini, &c. Infirmos ergo uisitate, & oleo infir-
morum ungite. Fideles doli capaces, id est, quina-
decim annorum, & ultra existentes ad recipien-
dam extremam unctionem, per quam maximè
conuenialia delentur peccata, diligenter admonete, &
quotienscunq; necesse fuerit, ut unctionem extre-
mam quis recipiat, sanitate recuperata, ad opus
redire poterit coniugale. Hæc unctio per solum
Sacerdotem fieri potest, ubi alij clerici adesse non
possunt. Nullum inungite, nisi mentis compos
existens uerbis aut signis duxerit, illud postulan-
dum. Manus Sacerdotis egroti exterius inungat
tis,

tis : quia in sui ordinatione per Episcopum inter A
 rius inunctæ fuerunt. Celeriter ad ægrotum in
 ungendum pergite, ne per uestram pigritiam, aut
 negligentiam inunctus decedat. Item inuncto con
 ualescente, loca inuncta lauentur, & aqua lotio
 nis in ignem mittatur : si autem decedat, tunc secus.
 Sub poena excommunicationis præcipimus, ut
 sacri liquores, singulis annis secundum sacrorum
 Canonum sanctiones per plebanos legitimos, seu
 per eorum Capellanos, à custode, infra uiginti
 dies, à die consecrationis eorundem recipiantur, B
 & sub sigillo ipsius custodis Ecclesijs proprijs
 integrè præsententur, & dicti Plebani seu Capel
 lani tactis sacris Euangelijs iurent : Quòd nulli
 communicent de eisdem aut distribuunt illos, si
 ne speciali nostra licentia, aut uicarij nostri, sub
 poena carceris, & priuationis beneficiorum.

SEQVITVR IAM DE OR dine Sacerdotali, Caput sextum.

DE ordine, qui est sextum Sacramentum, per C
 quod ordinato traditur potestas spiritualis &
 officium. Septem igitur sunt gradus Ecclesiastici
 ordinis, uidelicet, ostiarij, lectores, exorcistæ, a
 coluthi, subdiaconi, diaconi, & sacerdotes, quib⁹
 C Cano

A Canonistæ adiiciunt Psalmistatum pro primo,
& Episcopatum pro ultimo, quos duos etiam
pro ordinibus ipsi ponunt: & dicuntur hæc Sa-
cramenta, quia in eorum receptione res sacra, id
est, gratia confertur, quam figurant ea quæ ibi
geruntur: tres tamen ultimi & quartus, uidelicet,
Episcopatus, dicuntur sacri ordines, id est, sacra
castimonia, à castitate & continentia appellata.
Tales autem ad ministerium spirituale eligendi
B sunt Clerici, qui dignè possunt tractare Domini
ca Sacramenta. Per tales autem ministros Chri-
sti, qui Spiritus sancti gratia sunt decori, doctri-
na & conuersationis forma transfunditur in alios,
ne coelestes margaritæ spiritualium uerbo-
rum, officiorumque diuinorum sordidæ, tritæ, pe-
dibus conculcentur. Inter alia autem Sacramen-
ta hoc septimum Sacramentum Sacerdotij maio-
ri auctoritate, & dignitate dandum & accipien-
C dum est: quàm alioquin Deo desinit esse gratum,
si non fuerit ritè perfectum. Cætera autem Sa-
cramenta, unicuique propter se dantur, & unicuique
talía sunt, quali corde uel conscientia accipiunt:
illud duntaxat Sacerdotium, non propter se so-
lùm, sed etiam propter alios datur. Et ideo neces-
se est, ut quilibet uero corde, mundaque conscien-
tia, quantum ad se, Sacerdotium accipiat: ad alios
uerò

uerò non solum sine omni culpa, sed etiam sine **A**
 omni infamia propter fratrum scandalum, ad
 quorum utilitatem non solum, ut præsint, imò es-
 tiam, ut prosint, Sacerdotium datur: quia media-
 tores sunt Sacerdotes inter Deum & homines,
 dum praecepta Dei populo deferunt prædican-
 do & docendo, & uota populi Deo porrigunt
 supplicando. Ex ideo tales debent existere, ut &
 Deo grati, & hominibus sint accepti. Denique si
 mediator non est bonus, discordes reconciliare **B**
 non potest, quia simul utrisque non sociatur, qui
 amicitiae uinculo non est concors.

DE SACRAMENTO MATRI- monij Caput septimum.

Est etiam septimum Sacramentum, scilicet Ma-
 trimonium, circa quod est sciendum, quòd aliud **C**
 sunt Sponsalia, & aliud Matrimonium. Sponsa-
 lia namque sunt futuri matrimonij repromissio. Ut
 si aliquis dicat: Promitto tibi, quòd contraham
 tecum matrimonium: & si post huiusmodi spon-
 salia carnalis copula subsequatur, est matrimoniū
 inter tales, iuris interpretatione. Matrimonium
 autem est masculi & foeminae legitima coniun-
 ctio, indiuiduam uitae consuetudinem retinens.
C ij quod

A quod per uerba contrahitur, consensum exprimentia de præsenti. Vt si quis ita dicat: Accipio te in meam, uel si quæ dicat: Accipio te in meum, uel uerba æquipollentia. Aetas autem legitima ad matrimonium contrahendū, est in uiro quartus decimus annus: in foemina uerò duodecimus annus completus. Illud tamen est notandū, quòd malicia quandoq; in utroq; supplet ætatem. Ita quod ex corpulentia & sagacitate tam masculi
B quàm foeminæ iudicabitur, dato etiam quòd sint minores. Matrimonia igitur clandestina fieri prohibete. Ipsa quoq; ante nubilem ætatem in Ecclesia solennizare nolite. Item nuptiarum solennitatem & benedictionem certis anni temporibus facere nolite: scilicet, à prima Dominica Auentus Domini usque ad octauam Epiphaniæ, à Septuagesima usque ad octauam Paschæ, & à Dominica ante rogationes usque ad proximam Dominicā post Penthecostes exclusiue. In qua quidem Dominica & post, licitè fieri possunt. Nullus Sponsus in uxorem recipiat à iquam de consanguinitate prioris Sponsæ, uel è conuerso: & copulam carnis prohibete, ne ad sui sanguinis foeminam usq; ad quartum gradū inclusiue quisq; carnaliter accedat, aut cum ea matrimonium contrahat. Et sub excommunicationis pcena talibus
reli-

religionem intrare, uel castitatem seruare persua- A
 dete, aut matrimonium deinceps contrahere pro-
 hibete, licet contractum teneat. Nullum contra-
 here matrimonium cum ea, quam pater eius ba-
 ptizauit, etiam si fuerit Sacerdos baptizans, aut
 etiam quam ipse proprijs manibus baptizauit,
 aut in baptismo tenuit, permittite. Omnes tamen
 filij & filia duorum compatrū & commatrum,
 siue ante compaternitatem, siue pōst geniti fue-
 rint, possunt inter se matrimonialiter copulari. B
 la tamen persona duntaxat excepta, per quam
 compaternitas est contracta: quoniam illa alicui
 filiorum sui compatris uel commatris matrimo-
 nialiter copulari nō potest. Nullum quoq; cum
 matre, uel cum filia spiritali matrimonium finite
 contrahere. Sed si iam, matrimonio contracto,
 uir tenet in baptismo, uel in confirmatione filium
 uxoris suæ, uel è conuerso, uel proprium filium,
 non separatur propter hoc matrimonium, siue C
 illud ex ignorantia, siue ex malitia fiat: cum filia
 autē compatris sui, non tamen cum illa, per quam
 compaternitas est contracta, sed cum aliā nō pro-
 hibetur quis matrimonium contrahere, quamuis
 honestum sit abstinere. Nec mulier quantum-
 cuncq; annorum numero, & quantumcuncq; uir
 eius absens fuerit, donec ei de morte uiri constet,

A matrimoniū cum illo contrahere potest, & idem
est in uiro obseruandum.

DE INTERDICTIS CA
pitulum octauum.

ET quoniam percepimus, proh dolor, quos
dam Ecclesiarum rectores tantæ cupiditatis, &
auaritiæ scrupulo accensos esse, quod præfata à
iure introducta tempora minimè aduertentes, cer
Bta pecunia, uel aliquo munere acceptis, licentiam
prædictis interdictis temporibus ducendi uxo
rem, uel nuptiarum solennitates celebrandi con
cedere non uerentur (quam licentiam etiam nos
concedere minimè ualemus) ideo quicumq; pleba
nus uel uiceplebanus, aut alius curā habēs anima
rum, de cætero præsumpserit in ipsis interdictis
à iure temporibus licentiam uxore ducendi, uel
Cnuptiarum solennitates celebrandi concesserit,
ipsum tenore præsentium ab ingressu Ecclesiæ
suspendimus. Quam suspensionem si uiolauerit,
non habita absolutione ab hac sede nostra Ni
triens. ipsum ex nunc prout ex tunc, & ex tunc
prout ex nunc irregularitatis incurrisse macu
lam, hoc præsentis nostro declaramus edicto. Si
quis uerò prædictorum suæ salutis, & status
im

immemor, quicquā pro huiusmodi licentia uxore A
rem ducendi, uel nuptiarū solennitates celebran-
di accipere, uel promissionē de dando præsum-
pserit, ipse Simoniacam prauitatem se damnabi-
liter nouerit incurrisse. Omnibus & singulis Ar-
chidiaconis & alijs, quibus subditorum uisitatione
competit, districtē mandamus, quatenus in uisi-
tationibus eorum de talibus inquirent, & nobis
uel uicario nostro denunciare non omittant.

QVia iam, proh dolor, temporibus nostris, B
plures Sacerdotes, & in sacris ordinibus
constituti, ad tantam maliciam ac lenitatis demen-
tiam deuenerunt, ut adulentur secularibus, & cle-
ri inimicis, per uicos & plateas, ædes, & tabernas
de casu leuium personarum, & periculo clerico-
rum gloriantibus: & quia hoc modo famam &
honorem Ecclesiasticarum personarum lacerant:
ac insuper dimissis iudicibus eorum ordinariis in C
spiritualibus, refugium habent ad seculares, &
iudices terrestres. Imò & suorum Prælatorum
per detractionis derisionem, in complacentiam
inimicorum Cleri, deturpare, denigrare, & con-
fundere, in suam propriam & totius Cleri confu-
sionem, minimè uerentur. Mandamus igitur om-
nibus uice Archidiaconis sub poena excommu-
nica-

A nicationis, quòd si talem cum notabili proba deprehenderint, mox illū suo Archidiacono reuelare procurent, ut ipse Archidiaconus eundem Episcopalis carceribus tradat, absq; omni misericordia mancipandum.

Districtè præcipiē, sub pœna excommunicationis inhibemus, ne plebani confirmati, non obtenta prius à nobis aut uicario nostro licentia speciali, ab Ecclesijs suis quouis modo recedere, & easdem dimittere præsumant infra triennium, à tempore institutionis ipsorum, nisi ex causis rationalibus & legitimis, quas præsens coram nobis, aut uicario nostro, personaliter constituto allegare & exponere debebunt & tenebuntur, & tandem de super licentia obtenta resignare in manus ordinarij & dimittere poterint.

DE NVPTIIS CAPITULUM NONVM.

Verum, quia quosdam laicos intantum Satanas suo subiecit dominio, quòd statutis Ecclesiæ sacrae contemptis, carnales copulas & solennitates nuptiarum his sacris temporibus, ab Ecclesia ob reuerentiā Dei interdictis, incircumcisi-

sis animabus indurati, confirmare & arctare: ple^{us} A
 banosq; & Ecclesiam infestare damnabiliter consueuerunt (quibus tamen agenda ad hæc prolixa sunt tempora concessa) ac huiusmodi, scilicet matrimonij sanctum Sacramentum (quod licitè, & cum merito tempore congruo à Deo concessum fuerat) diabolo libantes, peccato mortali inficere non uerentur. Volentes igitur quantū cum Deo possumus hanc damnatam abusione poenæ etiam adiectione extirpare, statuimus, quòd quis B
 cuncq; laicus de cætero ip[s]is interdictis à iure temporibus matrimonium consummare, uel nuptiarum solennitates celebrare, de facto præsumpserit, decē florenorū auri puri, uel plus aut minus, secundum facultates eorum, poena Camerae nostræ applicanda, mulctetur: & nihilominus huiusmodi excessus absolutionem sedi nostræ re^{re} C
 seruañ.

DE BANNO MATRIMONIO

nij Capitulum decimum.

QUodq; etiam plurimum accidit, quòd aduentantes de longinquis partibus dimissis uxori-
 bus primis & ultimis, atq; , ut istis utamur uer-
 bis, quorum noticia & status penitus ignoratur,
D non

Anon aduertentes salutem animæ, sed amplexus adulterinos, & carnis desideria amantes, ad uota illicita se transferre non uerentur: plebani quoq; & alij uiri Ecclesiastici, curam animarum habentes, interdum ex inaduertentia, aliquando uerò muneribus, & alijs terrenis excæcati, absq; banno, hoc est, trina monitione, circa solennitates matrimoniorum in Ecclesijs eorum de iure faciendas, aut scrutinio de notitia contrahendorū omisis.

B in facie Ecclesiæ matrimonia solennizant, ac fieri permittunt, & consentiunt: ex quibus multa pericula animarum apud laicos sæpenumero usq; ad mortem eueniunt: uolentes talibus periculis, & scandalis per remedia oportuna salubriter providere, omnibus & singulis presbyteris in & sub diocesi ac iurisdictione Nitriē. commorantibus mandamus, in uirtute salutaris obedientiæ, & sub poena suspensionis à diuinis, quam suspen-

C sionem nisi feceritis, uel alter uestrum fecerit, quod mandamus modo in mediātē subscripto, in uos & uestrum quemlibet, ferimus in his scriptis: & si durante huiusmodi suspensione uos, uel alter uestrum, missis alijsq; diuinis immiscueritis, siue alter uestrū immiscuerit, irregularitatis poenam præsentī statuto incurrisse declaramus, ac incur-rere uolumus ipso facto, ut bannum siue trinam

moꝝ

monitionem faciatis in Ecclesijs uestris, ante ma- **A**
 trimoniorum solennitates tribus diebus festiuis.
 Si uerò fieri potest infra spacium quindecim die-
 rum, antequam à contrahentibus solenne iura-
 mentum in facie Ecclesiæ receperitis: illo deniq;
 eis declarato, si essent adeo noti, atq; nobili prosa,
 pia orti, quorum noticia uera, & eorundem pa-
 rentum haberetur, pro quibus parentes & con-
 sanguinei propinquiore, fidem facerent, in eo, ut
 nullum impedimentum legitimum ipsis contra- **B**
 hentibus obesset, semper scrutinio premittente,
 Matrimonia siue sponsalia in facie Ecclesiæ solen-
 nizare præsumatis. Forma autem banni siue tri-
 næ monitionis huiusmodi hæc est. Paulus filius
 T. uel talis, uult contrahere matrimonium cum
 Ka. filia Ioannis de tali uilla, tali die. Ideo si quis
 habet causam rationabilem cur fieri non debeat,
 ueniat & dicat. Secundo die festo similiter. Ter- **C**
 tio quoq; simili modo, quando uidelicet solennis
 ter contrahere uolunt. Huiusmodi autem Ban-
 num siue trinam monitionem coram populi mul-
 titudine in Ecclesia, uel in sermone præmittatis. Si
 quis cōtra huiusmodi nostra statuta uenerit, pœ-
 næ suspensionis præfatæ subiectus sit ipso facto.
 Quod statutum perpetuò duraturum in Eccle-
 sia præfata Nitriē, apud alia statuta manere uo-

D ij lumus:

Alumustatq; omnibus curatis in diocesi Nitrien.
ac iurisdictione constitutis, & commorantibus,
etiam non curatis, obseruare sub poenis interdis-
cti, præmissis, ac unius Marcæ puri argenti Ca-
meræ nostræ, & suo Archidiacono: si quos au-
toritas Archidiaconorum comprehendet exce-
dentes.

**DE CVSTODIA SACRA-
mentorum Capitulum uni-
decimum.**

Secundò quoq; illa scientia uos conuenit exor-
nari, quæ in cauta custodia Sacramentorum con-
sistit. Nullam ergo fœminā ad altare ministrare,
uel calicem Domini tangere permittite. Altare
mundis linteis cooperite, quæ simul cum uesti-
bus sacerdotalibus saltem bis in anno lauentur.
CSuper Altare nihil nisi capsas, & reliquias, ac cru-
ces, libros officio tunc necessarios, candelabra, &
pixidem pro corpore Domini poni sinite. Libros
Ecclesiasticos sufficientes habete. Vasa sacra pro-
prijs manibus abluite & abstergite. Ecclesiæ sint
bene mundæ, & coopertæ, & earū atria undiq;
bene ornata, & decenter custodita. Pertinentia in
ministerium altaris, ut puta corporalia, pallæ, &
uestis

uestimenta ministeriorum, ac etiam ornamenta A
Ecclesiæ, munda seruate. Indecens enim est in sa-
cris sordes ingerere, quæ dedecus faciunt, etiam in
prophanis. Corporalia à solis sacerdotibus, &
diaconib⁹ lauētur, et in uasē in quo nihil aliud fiat,
& aqua ablutionis intra Ecclesiā in loco, ubi con-
culcari non possit, fundatur. Palla uerò potest à
clericis inferioribus lauari. Vestimenta ministe-
riorum si fuerint uetustate consumpta, nec alijs
usibus Ecclesiasticis sint apta, comburantur, & ci-
neres intra Ecclesiam recondantur, ubi nequeant B
pedibus transeuntium conculcari.

DE CELEBRATIONE DIUI- norum officiorum Caput duo- decimum.

I LLā deniq; scientia tertiò Presbyteros expedit
esse ornatos, quæ in diuinorū officiorum celebra-
tione consistit. Omni ergo nocte indefessē ad ma-
tutinum surgite: cursum uestrum horis compe-
tentibus decantate uel perlegite. Sciant etiā Dia-
coni, & subdiaconi, ac clerici in minoribus, si sint
beneficiati, ad dicendas horas Canonicas se tene-
ri. Missarum celebrationes deuotē & religiosē
perlegite. Nullus plures missas una, & eadem die.

D iij cele

A celebrare debeat, nisi in festo Natiuitatis Domini, & alijs casibus concessis à iure: & tunc non, nisi in ultima uinum uel aquam perfusionis sumat. Nam post sumptionem illius ieiunus non esset. Nullus Sacerdos solus missam dicat, sed unusquisque clericum, uel scholarem habeat, qui sibi ad missam respondeat, & cum quo si uoluerit Psalmos dicat. Omni die Dominica, exceptis Dominicis Paschæ & Penthecostes, aquam benedictis & altaria, & plebes uestras aspergite: ad quod peragendum uas decens habete. Orationes missarum, præfationes, & Canonem bene intelligere, ac discretè, & memoriter scire proferre studete. Plebibus uobis commissis de Epistola, Euangelio, uel alia sacra scriptura diebus Dominicis & festiuis, aliqua prudenter enunciare curate. Epistolam & Euangelium bene legere, & populo ad literam exponere, scire studete. Psalmos & alios uersus, & eorum distinctiones, cum solitis canticis, scire procurate. Symbolum Athanasij quod incipit, Quicumque uult, &c. de fide catholica, exorcismos salis & aque, septem Psalmos poenitentiales, atque preces memoriter tenete. Ordinem etiam baptizandi, & reconciliandi secundum Canonum autoritatem, & formam ungendi infirmos, & orationem in exequijs mortuorum agens.

agendam, & alia similia habere & scire studete. **A**
 Nullus clericus, nisi Sacerdos fuerit, catechizet,
 uel baptizet, aut aquam Dominicis diebus exor-
 zizet, uel mortuos sepeliat. Diaconus autem in
 mortis articulo, ubi Sacerdos haberi non potest,
 hoc facere potest. Et nullus prius nisi dicto, uel
 audito matutino & primæ officio, missam dicat.
 Nullus etiam post sumptum cibum, potumq̃,
 quantumcunq̃ modicum, missam audeat celebra-
 re. Nullus nisi nocte dormiuerit, & digestionem ce-
 lebrata, missam mane celebrare præsumat, quo- **B**
 niam non intelligitur esse ieiunus. Sed si digestio
 celebrata sit, quamuis dormitio non præcesserit,
 poterit celebrare. Si uerò dormitio præcesserit,
 & digestio celebrata non sit, missam celebrare
 non licet. Nemo in mortali peccato constitutus,
 missam celebrare præsumat, sed prius confiteas-
 tur, si inuenitur Sacerdos, & si inueniri non pos-
 test, non celebret. Nisi fortè causa urgens, & ne-
 cessitas immineat, quæ sine graui scandalo præ-
 teriri nequeat: & tunc adsit contritio & propo-
 situm confitendi. Quia uerò missæ officium inter **C**
 cætera diuina officia, est excellentius, meritò &
 deuotius, & cum cautelæ studio, ac uniformiter
 conuenit celebrari. Circa quod tamen tam in au-
 diendo, quàm in dicendo à multis multotiens er-
 ratur

A ratur incautè. Idcirco studeant Sacerdotes mis-
sam iuxta ritum debitum, & solitum Ecclesie mo-
rem scire per omnia obseruare: quoniam si reper-
ti fuerint circa illud incautè & minus prouidè
se habere, grauius punientur iuxta delictorum
exigentiam opportunam.

DE SIMONIA VITANDA

& Parochianis in peccato existē,

Caput decimum tertium.

Quartò illa scientia ornatos uos esse oportet, quæ in animarum atq; Ecclesiarum regimine, ac dispensatione consistit. Nullus itaq; propria Ecclesia dimissa, aliam gratia quæstus requirat. Nullus per potentiam secularem Ecclesiam teneat. Adulteros manifestos & concubenarios, ut resipiscant, admonete. Quod si contempserint, nobis uel uicario nostro denunciare curate. Pre-
Contextu cuiuscunq; consuetudinis sacrum Chrisma uendere, uel pro baptizandis infantibus, aut pro reconciliandis peccatoribus, uel infirmis, uel pro testimonio pœnitentiæ, uel reconciliationis ferendo: aut pro mortuis sepeliendis: aut pro pœnitentiâ, aut benedictionibus nubentium, seu pro quibusdâ alijs Ecclesiasticis sacramētis pretium,
aut

aut præmium, uel promissionem exigere, uel sur- **A**
 ripere nolite: sed gratis & liberaliter huiusmodi
 sacramenta præbete, attendentes quòd scriptum
 est: Gratis accepistis, gratis date. Ex post tamen
 gratanter, & cum magna gratiarum actione pos-
 testis recipere, quæ sponte & uoluntate uobis à fi-
 delibus, non ex debito, sed beniuola deuotione
 offeruntur: ad quod etiam postmodum à uobis
 de iure cogi possunt, si diu fuerit consuetum.

DE SEPULTVRIS, ET QVI B

sunt in cœmiterio sepeliendi, & qui non,

& quibus denegari debeant Sa-

cramenta Caput XIII.

SANè si mulier stante matrimonio, uel etiam so-
 luto sine electione sepulture obierit, in cœmiterio
 Ecclesiæ parochialis, & in sepulchro uiri præ-
 mortui tumuletur: potest tamen ubi maluerit eli- **C**
 gere sepulturam. Laicum intra Ecclesiam absq;
 nostri licentia sepeliri prohibemus, nisi patronus
 eiusdem Ecclesiæ fuerit, aut pro fabrica eiusdem
 Ecclesiæ aliquid dederit. Siquis autem huiusmo-
 di nostræ prohibitionis transgressor fuerit, in u-
 na marca usuali mulctetur, cuius medietas Came-
 ræ nostræ applicetur, alia medietas Archidiao-

E no suo,

A no suo, quem monemus, ut in uisitatione diligenter inquirat, & quicquid ratione sepulturæ inuenierit, nihilominus fabricæ illius Ecclesiæ applicamus. Debent autem Ecclesiastica Sacramenta denegari hæreticis, paganis, Iudæis, & omnibus extra fidem Catholicam constitutis, nec non excommunicatis maiori excommunicatione, & interdictis, atq; his, qui in tormentis moriuntur, & insuper usurarijs, prædonibus, raptoribus manifestis: nisi poenituerit, uel usuras uel rapinas restituerit, uel de restituendis securitatem præstiterint secundum formam iuris. Si uerò prædicti non haberent in facultatibus tempore mortis sue unde restituere possent, non debet quilibet usurarius prædicta poena puniri. Raptori uerò qui in sanitate nõ poenituit, uel emendauit, & in morte securitatem prestare nequiderit, coemiterium ei negetur. Clerici autem qui interfuerunt sepulture, debent deponi ab officio, uel beneficio, nullus tamen clericorum illius sepulturæ intersit. Item illis, qui se suspendunt, uel præcipitant, uel gladio uoluntariè se perimerunt, nisi in morte signa poenitentiae in eis apparuerint, manifestè denegetur sepultura. Et generaliter omnibus, quos constat in mortali peccato decessisse.

DE DECIMIS, ET QUALITER A

non soluentes debeant puniri, & qui

interdictum non seruauerint,

Caput XV.

CAETERUM cum decimæ ex præcepto diuino debitæ sint, quæ sunt tributa egentium animarum, moneatis plebes uestras, ut integraliter eas soluant nobis, & illis quibus debentur iuris dispositione, uel consuetudine mediante, quibus, uel eorum aliquibus non soluentibus, iuxta quod **B** receperitis à nostris decimatoribus in mandatis, inuiolabiliter interdictum, uel aliam Ecclesiasticam censuram, studeatis obseruare, quo interdicto, uel suspensione, uel alia censura durante, diuinis uos officijs, sicut prius, immiscere cauate, ne irregularitatem incurratis, à qua non nisi per poenitentiam dispensationis beneficiū poteritis obtinere. Si qui autem ex uobis temeritate propria **C** in posterum huiusmodi censuras ob causam non solutionis decimarum, seu aliorum iurium nobis debitorum, aut quamcunque aliam impositam non curarent obseruare, cum ex hoc rumpatur neruus Ecclesiasticæ potestatis, committimus, ut propter irregularitatem ex hoc contractam incarcerari, & bonis omnibus per uicarium nostrum ualeant

E ij leant

Aleant spoliari, ac de eorum Ecclesijs turpiter excludi, quibus de alijs personis idoneis, obseruato ordine debito, debeant providere. Si quos autem ex uestris parochianis sciueritis decimas, quibus tenentur, non soluisse, & publicatum extiterit, eosdem ad poenitentiam uel communionem nullatenus, etiam in mortis articulo, admittatis: excepto si non habuerint unde satisfaciant de eisdem. Si autem publicatum non est, tales, qui in Confessione reuelarent, etiam ad communionem ipsos admittere nullatenus debeatis, nisi nobis, aut nostris decimatoribus satisfecerint de eisdem.

DE SENTENTIA EXCOMMUNICATIONIS duplici, maiori & minori, ac alijs censuris & effectu utriusque excommunicationis, Caput XVI.

Circa censuram Ecclesiasticam autem sciendum est, quod sub hoc nomine censura, excommunicatio, interdictum, uel suspensio, intelliguntur. Excommunicatio autem duplex est, scilicet, maior & minor. Maior est, cum praelatus anathematizat aliquem extinctis candelis, pulsatis campanis: uel ob causam aliquando ipse, uel alter potestatem habens, fert in aliquem excommunicationis

tionis sententiam etiam prædicto ordine non ser- **A**
uato, & ista separat excommunicatum à commu-
nione fideliū, ac participatione Ecclesiasticorum
Sacramentorum, & ab ingressu Ecclesiæ: sed nec
iuxta Ecclesiam debet stare excōmunicatus, dum
diuina officia celebrantur. Minor uerò excom-
municatio contrahitur, cum aliquis participat
cum excommunicato maiori excommunicatione.
Et hæc remouet à perceptione Sacramento-
rum uel Eucharistiæ, donec fuerit absolutus. Imò **B**
clericus uel laicus cautè agit, si non intrat Eccle-
siam sic ligatus, sed in cœmeterio dicat officium
suum, si est clericus, donec fuerit absolutus. Et qui
prohibetur à perceptione Sacramentorum, licet
grauiter peccet intrando Ecclesiam, uel celebra-
ndo missam, nullam tamen irregularitatem incur-
rit. Peccat etiam conferendo Ecclesiastica Sacra-
menta, sed ab eo collata, uirtutis non carent effe- **C**
ctu. Clericus uerò sciens se excommunicatū ma-
iori excommunicatione, interdictum, uel suspen-
sum ab officio, & ante absolutionem officia diui-
na celebrans, sicut prius dictum est, irregularita-
tem incurrit, super quo solus Papa potest cum
eo dispensare. Extra Ecclesiam, si est in sacris or-
dinibus constitutus, tenetur nihilominus sub si-
lentio, sicut & clericus depositus, dicere horas
E in suas.

A suas. Sententia autē excommunicationis, suspensionis, & interdicti tolli potest per eum, qui eam tulit, uel per eius superiorem: non autem per simplicem Sacerdotem. Porro cum aliquis fuerit excommunicatus maiori excommunicatione, & debeat absolui, hanc formam absoluendi ab omnibus uolumus inuiolabiliter obseruari, uidelicet: quòd absoluens, iuramento ab excommunicato recepto de parendò mandatis Ecclesiæ, & hoc pro poenitentia iniungat, & uirgam, seu baculum in manu tenens, super eum genu flexo, cum aliquibus uirgæ uel baculi percussione, dicat. **Psalum:** Misere mei Deus, Deus misereatur nostri, cum Gloria Patri, & Kyrie eleison ac Pater noster, uersiculo: Saluum fac seruum tuum Domine Deus meus sperantem in te. Nihil proficiat inimic⁹ in eo, & fili⁹ iniquitatis nō appo. no. ei. Esto Domine ei turris fortitudinis, à fa. ini. Dominus uobiscum. **Oremus.** Deus cui proprium est misereri semper & parcere, suscipe deprecationem nostram, ut hunc famulum tuum, uel ancillam, quem uel quam excommunicationis cathena constringit, miseratio tuæ pietatis absol. per Christum D. n. &c. **Oremus.** Præsta quæsumus Domine huic famulo tuo dignæ poenitentiae fructum, ut Ecclesiæ tuæ sanctæ, à cuius

inte.

integritate deuiauerat peccando, admissorum ueniam consequendo, reddatur innoxius, per Christum D.n. Et postea absoluat eum, dicens: Autoritate Dei omnipotentis, & beatorum Petri & Pauli Apostolorum eius, qua fungor, & Ecclesiae suae sanctae, absoluo te ab excommunicationis utnulo, quo ex tali casu, & actione contumaciae, & non paritione iuris ligatus eras, & restituo te communioni & participationi Ecclesiae, & omnium fidelium & Ecclesiasticis sacramentis, in nomine Patris, & Filij, & Spiritus sancti, Amen. Et precipio tibi, quod de cetero talia, & his similia non committas. Porro absoluens à minori excommunicatione, excommunicati uerò confessione audita, absque solennitate aliqua sic dicat: Autoritate Dei omnipotentis, absoluo te à uinculo huius minoris excommunicationis, quam mihi confessus es, & à qualibet alia, si teneris, in quantum possum & debeo, & restituo te Ecclesiasticis sacramentis. C

DE HABITU CLERICO.

rum & qua poena puniantur contrafacientes, Caput XVII.

Prouideamus etiā circa honestatē clericorum salubriter, quod omnes clerici, singuleque personae Ecclesiasticae,

Asticæ, tam præsentis quàm futuræ nostræ ciuitatis & diocesis, tonsuram & habitum deferant clericales, ordini suo ac statui competentes, uestes uariiegatas, seu diuersi coloris minimè deferentes, deprehēsosq; in aliquo crimine uel excessu enormi contra hoc publicè incedentes, ex nunc pronunciamus tales, ut clericos siue personas Ecclesiasticas non fore per nostram curiam defendendos, & ne circa habitum deferendum à clericis

Bin quouis statu uel ordine constitutis, secularibus uel regularibus possit ignorantia allegari, statuimus, quòd omnes tam dignitates in Ecclesia nostra habentes, quàm Canonici seu Sacerdotes nostræ diocesis, & clerici absq; tabardis, aut chlamidibus, aut detecta corona, publicè nō incedant, aliter autem curialiter incedere poterint: ut cum eos contigerit equitare extra loca sua. Religiosi autē deferant uestes aptas ordini suo. Contrafacientes autem ex nunc committimus per nostrum uicarium, prout expedit puniendos.

DE CLERICIS CONCVBINA

rijs, & poena qua sint puniendi, & quales mulieres in domo possunt habere, Capitulum XVIII.

Pro

PRoinde etiam ordinamus super continentia **A**
 à clericis obseruanda, ita uidelicet: quòd nul-
 lus Sacerdos seu clericus, in dignitate uel perso-
 natu constitutus, aut Canoniam seu Rectoratum
 alicuius Ecclesiæ habens, aut quicumq; in sacris
 ordinibus constitutus in domibus Ecclesiæ, ma-
 ximè illi contiguis uel connexis, aut alias ubicuq;
 sub nomine suo mulierem aliquam retinere præ-
 sumat, nisi fortè mulier esset, quæ de incontinen-
 tia non esset suspecta, aut in gradu consanguinei **B**
 tatis proximo foret illi cõiuncta. In hoc uerò des-
 linquentes, scilicet clericum, & Sacerdotè in quo-
 uis beneficio Ecclesiastico cõstitutū, qui focarias,
 seu cõcubinas, aut in domib; Ecclesiæ, aut suis, aut
 aliorum, suo nomine manifestè retinuerint, modo
 supradictò in quinq; marcis usualis monetæ con-
 demnamus, quarum medietas Cameræ nostræ **C**
 applicetur, alia Archidiacono suo. Cui in uirtute
 sanctæ obedientiæ iniungimus, ut in uisitatione
 de talibus diligenter inquirat, & nobis aut uicas-
 rio nostro referat. Si autem, post dictam corre-
 ctionem, per mensem durauerit, ipsum ab offi-
 cio & beneficio suspēdimus. Quā suspensionem
 per alium mensem, si sustinuerit, ipsum excommu-
 nicamus in his scriptis. Quam excommunicatio-
 nem, si, per alium mensem immediatè sequentem,
 F sustia

A sustinuerit, ipsum beneficijs, & officijs, & dignitatibus Ecclesiasticis, quæ in Ecclesia nostra, ciuitate, seu diocesi, aut iurisdictione obtinet, declaramus fore priuatum ipso facto: quorum prouisionem nobis ac nostris successoribus reseruamus, facto prædicto, in quantum existente notorio iuris uelfacti, ita quòd excusationi, inficiationi, seu denegationi, locus penitus nō existat. Qui autem beneficium non haberet Ecclesiasticum, hunc poena pecuniaria ultra prædictam, per nostrum uicarium committimus puniendum, aut diris carceribus mancipandum.

ADDITIO DE CONCV.

binarijs.

QVanquā nostris Archidiaconis, & alijs personis Ecclesiasticis nostræ diocesis & iurisdictionis, quibus ius uisitandi Ecclesiarum rectores sibi subiectos quomodolibet competit, æquitate seruata, ut audiuiſtis de medietate poenæ prouisum fuerit, ut districtus & archidiaconatus suos possent à concubinarijs, & alijs facinorosis purgare criminibus, tamen quidam ipsorum, ut sumus edocti, auaritiæ ducti cæcitate, quæ sua sunt, non quæ Iesu Christi quærentes, in animarū suarum

rum, & sibi commissarū periculum, poenam prædictam pro se usurpantes, nobis aut uicario nostro minimè denunciant; Cameram nostram defraudātes: & quod deterius est, criminosos in suis excessibus permanere permittentes, ut eos liberius emungant, & nulla sequatur correctio, solum aliquos pauperes denunciando, & aliquando alios ex odio, quos non possunt ad uoluntatem suam exactionare & spoliare, per Synodales testes exradari faciendo. Quidam etiam prædictorum Archidiaconorum, & personarum Ecclesiasticarum dignitates, & præsentias eorum quæstum putantes, in grauamen Ecclesiarum sibi subiectarū, cum uiginti aut pluribus equis, quos aliqui tempore uisitationis fiendæ impudēter accommodant, cum famulis incompotis, cum canibus uenatorijs, & auibus uisitant Ecclesias, & plebanos eorum spoliando magis, quàm corrigendo, aliquando uerò per Capellanos & familiares, quod eis non liceret, uisitant Ecclesias, & plebanos multipliciter uexando & spoliando, idēque in scandalum Ecclesiasticæ honestatis non modicum. Nolētes igitur talia sub dissimulatione pertransire, sed sicut ex debito nostræ sollicitudinis tenemur de remedio providere oportuno, habitā cum fratribus nostris de Capitulo Nitrien.

A matura deliberatione, hac sacra approbante Synodo statuimus & decernimus, sacrorum Canonum uestigijs inhærentes, quòd quilibet Archidiaconus, aut alia persona Ecclesiastica, quibus de iure uel de consuetudine legitima ius uisitandi sibi subiectas Ecclesias competit singulis annis, semel tantum, per se & non per alium uisitare sibi subiectas Ecclesias teneatur: In qua uisitatione numerum octo equorum non excedat, nisi fortè Bubertas Ecclesiæ uisitandæ aliud induceret (& de hac uisitandus se grauatum prætere non posset) uel nili uicearchidiaconum illius districtus, secū pro informatione habere uelit, qui ultrà quàm duos equos habere non possit. Nec tamen per hoc illi Archidiaconi uel uisitatores, qui hætenus paucioribus equis uti solebant plurium equorum credant sibi in uisitatione potestatem indulgam. In qua uisitatione inter alia de statu Ecclesiarum, plebanorum, & parochianorū se diligenter informent: concubinarios, & alios facinorosos, ac cæteros defectus Ecclesiarum fideliter registrando, & demum per se non per testes Synodales, quando Synodus celebratur nobis, quando uerò Synodus non celebratur, uicario nostro fideliter, & conscientiosè assignare debeant, & teneantur: ut sic exinde sequi debeat debita & iustacor.

correctio & emendatio. Parati enim sumus de A
 medietate poenæ ipsis debenda obseruare consti-
 tutionem prædictam. Si quis uerò deinceps con-
 trarium attentare præsumperit uel à publicis con-
 cubinarijs, uel alijs manifestis facinorosis aliquid
 exegerit ob non accusandum, uel deferendum, ut
 premittitur, uel promissionem acceperit aliquam,
 uel per aliū uisitare præsumperit, uel numerum
 equorum transcenderit prætaxatum, ipso facto,
 sententiā suspensionis ab officio & beneficio in-
 currant. A qua absolui non possint, nisi duplum B
 eius quod acceperint restituāt, & satisfaciant Ca-
 meræ, cuius dupli medietas denunciante nobis,
 uel uicario nostro applicetur, scituri, quòd si du-
 rante dicta suspensione se diuinis immiscuerint,
 erunt ipso facto irregulares, & meritò nos ad
 prouisionem beneficiorum suorum alijs fiendam
 procedere poterimus. Sciant insuper omnes præ-
 fati, quòd durante dicta suspensione suorum be- C
 neficiorum fructus non faciunt suos, sed eos ex
 tunc prout ex nunc, & ex nunc prout ex tunc ad
 fabricam Ecclesiæ nostræ reseruamus. Ne autem
 plebani, si qui exempti sub nostra iurisdictione fue-
 rint, possint se sine uisitatione, & correctione eua-
 disse gloriari. Singulis annis de uisitatore idoneo
 ipsis plebanis exemptis providere intendimus.

A qui iuxta prædicta & Canonum sanctiones eos
uifitare debet, & nobis in Synodo quando cele-
brabitur, aut uicario nostro in scriptis fideliter et
conscientiosè referre tenebitur.

QVOD CLERICI IN DOMI-
bus eorū uinū non tabernent, nec officio,
latū laicorū recipiāt, Cap. XVIII.

B DEcreuimus insuper in præfenti Synodo, q
nulla persona Ecclesiastica nostræ ciuitatis, Dicc-
cesis & iurisdictionis, mercationibus, & negocia-
tionibus laicalibus se publicè immiscere præsu-
mat, illa in sua persona exercendo, uel per alios
pro laicorum scandalo exerceri faciendo, aut exe-
qui mandando, nec officium publicum, seu offi-
ciolatum alicuius laici temporale in seculari cur-
ria exercere debeat, nec uinum minutatim in do-
mo sua audeat propinare, ut in taberna fieri con-
suevit, seu leues, uiles uel suspectas personas ho-
spitare, aut cum ipsis modo aliquo conuersari.
Delinquentes autem in talibus poena congrua
uicario nostro committimus puniendos. Propi-
nantes autē minutatim uina in domibus eorum
præcipuè ad quæstum comparata, signo ad ta-
bernā posito, & omnes ad bibendum ibidem
uinum

vinum admittēdo, amissionis vini uasis illius per A
Castellanum nostrum auferendi poena mulctetur.

DE DIVINIS IN ECCLESIA peragendis, Caput XX.

Prouidemus itaq; insuper, quòd in nostra Cathedrali, aut qualibet alia Ecclesia collegiata, seu parochiali nostræ diocesis & iurisdictionis, ubi plures Sacerdotes & clerici consueuerunt residere, missa maior, iusto impedimento cessante, prout consueuit hora debita singulis diebus cum cantu siue nota debeat celebrari. Matutinalia autem & uespertinalia, eo quo diuina officia in eisdem, & potissimè in nostra Cathedrali Ecclesia, modò simili cum honestate debita celebrentur, in qua horis omnibus supradictis præbendarios Ecclesiæ nostræ uolumus interesse. In dignitatibus autem, personatibus, & canonicatibus constitutos, ut his inter sint fraternaliter admonemus: & ut saltem missæ maiori, & uespertinali officio interesse debeant, eos hac constitutione firmiter coarctamus. In quib; autē dieb; & quib; uestib; Ecclesiæ nostræ ministri uti debeant constitutioni scriptæ in eadē Ecclesia, & cōsuetudini cōmittim; relin-

A relinquendum. Item præcipimus, quòd in talibus Ecclesijs corpus Christi pro infirmis, Chrisma, & oleum sanctū sub clauī, & firma custodia, & uase mundo debeant conseruari. Et, ut liberius diuinis officijs intendatur, res prophanas, uidelicet archas, & alia utensilia, seu uasa uacua, aut plena in Ecclesijs teneri prohibemus, nisi tempore hostilitatis (quod non credimus diebus nostris euenire) posita uerò in ipsis, & locata infra unū mensem cessante hostilitate præcipimus amoueri, transgressoresq; pœna debita puniendos.

QVALES SINT PROMOUENDI ad ordines, Caput XXI.

Constituimus etiam, quòd hi, qui sunt ad sacros ordines promouendi, nobis aut uicario nostro, ante diem sue ordinationis debeant per suos præsentatores, uidelicet Archidiaconos præsentari, et examinari prout esse solet: & tales, qui sunt legitime ætatis, & honestæ uitæ, ac de legitimo matrimonio nati, & qui bene sciant legere, & cantare, & in primitiuis sint aliququaliter instructi: non irregulares, non coniugati, non bigami, non serui, nisi fortè essent manumissi, non corpore uiciati. Patenter autem morbum caducum habentes, seu dæmo

daemoniaci, aut Simoniaci, uel furiosi, uel homicidæ, uel incestuosi, uel periuri, uel qui publicè adulterium commiserunt, uel qui solennem poenitentiam peregerunt, aut in alijs criminibus facinorosis enormibus fuerint reperti, aut alias canonicum impedimentum habentes: quos omnes prohibemus ad ordines promoueri, nec ad aliquem titulum Ecclesiasticum admitti: alioqui tam præsentans quàm præsentatus à beneficio Ecclesiastico, & executione sui beneficij nouerint se suspensos. B

DE VSVRPANTIBVS IURA

Spiritualia, Caput XXII.

PRæterea, quia effrenata cupiditas in plerisque adeò dominatur, quòd uetita usurpant, & recipiunt aliena, ex hoc uehementer compellimur, ut eorum conatus in quantum possumus refrægemus. Ea propter sanctione præsentis salubriter ordinamus: Quòd nulla secularis, seu Ecclesiastica persona, uniuersitas, siue collegium bona nobilia, seu immobilia, aut iura perpetua, iurisdictiones, honores, ius eligendi, uel conferendialiquam Ecclesiam, rectoriam, uel præbendam ad quemlibet locum uenerabilem, aut ad nos, uel ad mensam G nostram

A nostram Episcopalem, quouis modo uel titulo,
aut ad fratres nostros de Capitulo pertinentia &
pertinentes, aut Ecclesiam aliquam, uel hospitale,
seu alium pium locum usurpare, impedire, direc-
tè uel indirectè inuadere, aut alias occupare pre-
sumat, aut uolenter etiam detinere, & spoliare
ipsum possessione iuris percipiendi aliquos cen-
sus annuos, decimas uel fructus. Singulares de-
niq; personas, quæ facere attentauerint contra
præmissa in aliqua sui parte, facto uel mandato,
aut expresso consilio, uel consensu, excommuni-
Bcationis sententia innodamus. Vniuersitates au-
tem, & collegia, terrasq; & loca eorum subijci
uolum; Ecclesiastico interdicto. Illos quoq; qui
temeritate propria pluries requisiti, soluere con-
tempserint, uenerabili loco, uel mensæ nostræ,
seu fratrum nostrorum, aut alterius, earum decia-
mas, pensiones, census, fructus consuetos, decre-
uimus excommunicationis uinculo innodatos.

CQui cum ligati fuerint, relaxari non debeant, do-
nec prædictis, aut alicui prædictorum fuerit de
his iuribus suis, & iniurijs integraliter satisfactū,
uel de satisfaciendo idoneè cautum. Item admo-
nemus primò, secundò, tertiò & peremptoriè
omnes tributarios, tam super portubus seu aqua-
rum transitu, quàm alijs passibus nostræ diocesi-
lis &

lis & iurisdictionis existentes, aut eorum uices ge- **A**
rentes, quatenus tributum, à Sacerdotibus, & cle-
ricis, & religiosis quibuscunq;, uel rebus eorum,
nisi causa mercium deferendarum, & specialiter
ad Synodum uenientibus exigere aliquatenus
non præsumant, quòd si fecerint, eos ipso facto
excommunicationis sententia innodamus, à qua,
nisi satisfactione impensa, nullatenus absoluantur.

DE POENA NON CONFIR **B**
matorum in beneficijs, Cap. X XIII.

ITem excommunicamus omnes & singulas per-
sonas Ecclesiasticas nobis subiectas, qui Ecclesias
seu alia beneficia Ecclesiastica de manu recepe-
rint laicorum, imò & aliorum quorumcunq; con-
tempris his, ad quos ipsorum beneficiorum con- **C**
firmatio, uel dispositio pertineret. Sciant etiam ta-
les, qui absq; institutione Canonica modo præ-
misso Ecclesias assequuntur, nullam se recipere
potestatem absoluendi uel ligandi, seu alia Ecclē-
siastica sacramenta ministrandi, & hi solum uerè
Dei populum decipiunt, & se damnabiliter illa-
queant. Sed, ut hæc facere possint, oportet ut no-
stram, uel aliorum ad quos spectat, auctoritatem
obtineant & requirant.

A DE POENIS NON RESIDENTIUM
in beneficijs, Caput XXIII.

ET quia propter defectum non residentium ministrorū frequenter Ecclesiæ ipsæ damna patiuntur, & multa exinde proueniunt pericula animarum, in hac præsentī Synodo publicè & peremptoriè prælatos, rectores, Canonicos, & clericos, & beneficiatos quoslibet nostræ ciuitatis, diocesis & iurisdictionis admonemus, ut infra sex menses, à die præsentis admonitionis computandos, ad suas Ecclesias & beneficia, quæ in nostra Ecclesia, ciuitate uel diocesi, seu iurisdictione obtinent reuertantur: facturi deinde continuam residentiam apud illas. Alioqui ex nunc ipsos à beneficijs Ecclesiasticis, uel Ecclesijs suspendimus in his scriptis, priuantes eosdē, si suspensionē ipsam sustinuerint infra mensem, nisi ab ipsa residentia legitimo impedimento, uel dispensatione Canonica excusentur, aut huiusmodi persone nobiscū, seu alias de nostro beneplacito ex causa rationabili commorentur, de quibus nobis, uel uicario nostro uolumus fieri plenam fidem.

CONTRA ABSENTES,

Caput XXV.

Præ

Praesenti quoque sanctione inuiolabiliter ordina- **A**
 mus, quod omnes & singuli, qui in nostra
 ciuitate, iurisdictione uel dioecesi, beneficia Eccle-
 siastica assequuntur, in ipsis Ecclesijs, in quibus
 eadem obtinebunt, in futurum residentiam faci-
 ant personalem, non per Capellanos, sed per se-
 ipsos. Qui uero hoc facere contempserint, ex tunc
 eisdem beneficijs, post admonitionem hic con-
 tentam, eosdem decreuimus fore priuatos, nisi
 per dispensationem, aut iustam aliam rationabi-
 lem causam excusentur à non residentia antedi- **B**
 cta. Insuper omnes dispensationes à nobis, &
 nostris praedecessoribus concessas super non re-
 sidentia quibuscunque in praesenti Synodo reuo-
 camus.

QUALITER TESTAMENTA

fiant in praesentia Sacerdotis parochialis,
 & in scriptis, & de poena tales im-
 pedientes, Caput XXVI. **C**

CAeterum quia nihil est quod magis debe-
 tur hominibus, quam ut eorum ultimae uoluntas
 eulogia impleantur: Statuimus & mandamus,
 quod quicunque de nostra ciuitate, dioecesi & iu-
 risdictione, de bonis suis disponere aliquid uolue-

G iij rit,

Arit, seu testari, rectorem seu Capellanum Ecclesie
sue intra cuius degit parochiam, tanquam perso-
nam, quæ eius conditionem, & conscientiam non
creditur ignorare, & quæ illi uiuenti Sacramen-
ta Ecclesiastica ministravit, omnino aduocet, &
ipso præsentem maximè pro anima sua leganda,
uel ordinanda ordinet, & disponat: & per quam
dirigi poterit in his quæ ad salutem animæ ipsius
pertinebunt, cuius dispositio & ordinatio, ubi est
Bpossibile, conscribatur, pro memoria futurorum,
ne defunctorum uoluntates plus prorogentur.
Si qui autè directè, aut indirectè dispositionem
ultimæ uoluntatis talium, rectorem uel Capella-
num prohibuerint interesse, uel ipsum testatorem
in scriptis testari, uel uoluntatem talium testato-
rum ultimam occultauerint, in ipsos sententiam
excommunicationis promulgamus. Monentes
insuper tenore præsentium iudices, & iuratos ci-
uitatum, oppidorum, castrorum, & locorū alio-
rum quorumcunq; ciuitatis, diocesis & iurisdi-
ctionis nostræ, ne statuta, monitiones, præcepta
seu mandata, contra præsentem nostram consti-
tutionem faciant. Et si qua uel quas eorū aliqui,
aut ipsorum predecessores uel antecessores fece-
runt uel fecerint infra sex dies à publicatione præ-
sentium, debeant reuocare. Quod si non fecerint
in ipsos

In ipsos & quoslibet, ipsis utentibus sententiam A
excommunicationis ferimus in his scriptis. Præ-
sentem autem constitutionem quolibet die Do-
minico in uestris Ecclesijs publicetis, & ad noti-
ciam populi deducatis.

QVOD RELICTA AD PIAS

causas malè ablata infra sex menses execu-
tioni demandentur, executores non
facientes, sunt excommunicati.

B

Capitulum XXVII.

Vtiliter prouidemus quoslibet perempto-
riè admonentes, tam hæredes, quàm executores
& fidei commissarios præsentis & futuros ulti-
marum uoluntatum: quòd in relictis ad pias cau-
sas pro animarum salute & peccatorũ remedio,
pauperibus Ecclesijs ac hospitalibus, & restitu-
tionibus malè ablatorum, siue certa fuerint siue C
incerta, legata seu relictà ultra sex menses soluere
non retardent: de quibus generalem fieri uolu-
mus in Ecclesijs uestris monitionem. Super quib-
us contra facientes excommunicationis senten-
tiam incurrere uolumus ipso facto, & nihilomi-
nùs ad soluendum compelli, quæ modo præmis-
so sunt disposita, & etiam ordinata, Præsentem
autem

Autem constitutionem diebus festiuis publicari
mandamus.

DE EXCOMMUNICATIS

uitandis, Capitulum XXVIII.

Volumus insuper, omnes excommunicatos,
interdictos ab omnibus regularibus & secularis
bus exemptis, & non exemptis in diuinis officijs,
B & sacramentis Ecclesiasticis euitari. Quia nul-
lis possunt super hoc priuilegijs Apostolicis tue-
ri. Qui uerò contra fecerint scienter, uel tales ad
Ecclesiasticā sepulturam receperint, aut celebra-
re in Ecclesia interdicta præsumpserint, pœnam
suspensionis ab ingressu Ecclesiæ, & à participa-
tione Sacramentorum à Canone inductā, contra-
hant ipso facto, & ipsorum Ecclesia ecclesiastice
co subijciatur interdicto. Si Capitulum uel con-
Cuentus aut maior pars sit in culpa Qui aut in-
terdicti uel excommunicati, uel in Ecclesijs inter-
dictis scienter diuina officia celebrare præsump-
serint, irregularitatem incurrant, super qua non,
nisi per sedem Apostolicam dispensari potest.

His igitur informationibus, & constitutioni-
bus sic salubriter æditis, quoad præsentem
nostram

noſtram Synodū propter temporis breuitatem. **A**
 & quandam noſtræ ſolicitudinis occupationem
 patitur, contentamur prouidere cupientes ſuper
 alijs, prout Deus ſuam gratiam nobis miniſtra-
 bit in futurū. Vobis ergo uniuerſis Eccleſiæ no-
 ſtræ Archidiaconis in uirtute ſanctæ obedientie
 firmiter præcipiendo mandamus, quatenus in-
 formationes & conſtitutiones præſentes ſingu-
 lariter ſinguli exemplari faciatis: & in ueſtros Ar-
 chidiaconatus eorum copiam transmittatis, & in- **B**
 fra menſem quemlibet ueſtrum ſubditum Sacer-
 dotem ad ipſorum copiam reſcribendam & ex-
 emplandam compellatis.

ITEM ALIÆ CONSTITVTIO-
 nes, de Feſtis celebrandis, & caſibus reſer-
 uatis, & alijs, Capitulum XXIX.

QVoniam, ut intelleximus, quorundam tem- **C**
 poralium dominorum, ac iudicum ſecularium,
 maximè ciuitatenſium, & quod reprehensibilis
 eſt, etiam Eccleſiaſticorū uiro-
 rum, plebanorum,
 ſeu Eccleſiarum rectorum, præſumptuoſa teme-
 ritas inoleuit, quòd iuriſdictionem ſpiritualem no-
 ſtre Nitrienſ. Eccleſie, in ſuis tenuis, & parochijs
 impedire, uel potius in animarum ſuarum diſpen-
 dium.

A dium anihilare, & usurpare attentant, litigantes,
sua iura in sede nostra prosequi intendentes re-
trahendo, impediendo, prohibendo, ita quòd à
lite, causa, seu quæstione desistere compellantur.
Verùm quia nouis superuenientibus morbis no-
ua conueniunt antidota præparari, & ut uaria
experimenta morborum uaria cogunt remedia
inuenire, nos iustitiam nostram & prædictæ Ni-
triens. Ecclesiæ, cuius regimen & gubernatio in
B spiritualibus & temporalibus, per sedem Apo-
stolicam nobis est commissa, nolentes negligere,
qui alios nostros subditos in sua iustitia consoue-
mus, præsentì constitutione Synodali sanximus,
& de iure statutum esse ostendimus, ne quis de
testamentis, dotalitijs, quartis puellaribus, & re-
bus parafrenalibus, & alijs causis Ecclesiasticis
cognoscere aut iudicare præsumat, sine nostra uel
uicarij nostri licentia speciali, in ciuitate, diocesi,
C & iurisdictione nostris, necq; ad forum Ecclesiasti-
cum recurrentes super causis, quæ ad Ecclesiam
Nitriens. de iure, uel ab antiqua consuetudine per-
tinere noscuntur, ad desistendum, uel in foro se-
culari de quæstionibus huiusmodi litigandum
modis quibuscuncq; directè uel indirectè, palam
uel occultè compellar, uel compelli faciat, seu pro-
curet per se, uel per alios ne impediat, quominus
in se

in sede Nitrien querulantes de causis, quæ, ut præ- **A**
 missum est, ad cognitionem pertinent Sedis eius-
 dem possint liberè iustitiam obtinere, nec ad præ-
 dicta impedimenta facienda dent auxilium, cons-
 siliu uel fauorem. Si quis uerò contra præsum-
 pserit, excommunicationi se ipso facto nouerit sub-
 iacere, à qua nisi tam Ecclesiæ Nitrien. prænotæ-
 tæ, cuius cognitio fuerit impedita, uel iurisditio
 usurpata, quàm parti, quæ turbata in persecutio-
 ne fuerit sui iuris, de iniuria, damnis, expensis, &
 interesse prius per eundem fuerit satisfactum, nul- **B**
 latenus absoluator. Volumus autem, ut præsen-
 tis constitutionis forma per plebanos ciuitatum,
 & insignium locorum, seu oppidorum conscri-
 batur, & per eorundem prædicatores diebus do-
 minicis & festiuis infra missarum solennia in ama-
 bone publicetur: iniungentes ipsis sub poena ex-
 communicationis id firmiter obseruari.

DE RELIGIOSIS MENDI. **C** cañ. Caput XXX.

Pastoralis cura sollicitudinis nos inducit, ut ab-
 usionibus, quas nonnulli religiosi mendicantes, et
 eleemosynarum quæstores in suis quæstibus pro-
 ponunt, ut simplices decipiant, & aurum subtili,

H ij uel

Auel fallaci potius ingenio extorqueant ab eisdem, cum in animarū cedat periculum, & scandalum plurimorum, uiam, prout est nobis possibile, precludamus: iuxta sacrorum Canonum instituta subditis nostris duximus prohibendum, ne tales ullatenus populo prædicare, aut confessiones audire, uel quæstulare ullo modo permittant, nisi nostras uel uicarij nostri literas exhibuerint: per quas pateat ipsos Prælatos ipsorum ad audiendas confessiones, & uerbum Dei proponendum iuxta iuris formā nobis uel uicario nostro

Bfore præsentatos: ac alia in quibus instant de iure, posse adimplere. Nam, sicut ad nostrum peruenit auditum, non sine multa temeritatis audacia, & deceptione multiplici animarum, indulgentias populo motu proprio de facto concedunt: super uotis dispensant, à periurijs, homicidijs, & peccatis alijs sibi confitentibus absoluunt, malè

Cablata incerta, data sibi aliqua pecuniæ quantitate remittunt, tertiam & quartam partem de poenitentijs iniunctis relaxant, animas tres uel plures, parentum uel amicorū illorum, qui elemosynas eis conferunt, de purgatorio (ut asserunt mendaciter) extrahunt, & ad gaudia paradisi perducunt: Confratribus & benefactoribus ipsorum remissionem plenariam peccatorum indulgent: & ali-

& aliqui ex ipsis eos à poena & culpa, ut eorum A
 uerbis utamur, absoluunt. Nos aduersus huius-
 modi per quos censura uilescit Ecclesiastica, &
 clauium Ecclesie autoritas deducitur in contem-
 ptum, omnimodè abusus abolere ualentes, tenor
 re præsentium subditis nostris, & eorum cuius-
 bet præcipimus, ac sub excommunicationis pœ-
 na præcipiendo mandamus, ut si quem de prædis-
 ctis cuiuscunque conditionis, ordinis, religionis,
 uel status existant, sine literis nostris, uel uicarij B
 nostri, post præsentem Synodum concessis, cum
 omnes & singulas per nos, aut uicariū nostrum
 hætenus concessas ex certis & rationabilibus
 causis reuocamus, si quos eorū repererint, quæ-
 stuare, prædicare, aut confessionem audire, e quos
 eorum, & bona uniuersa, quæ secum deferunt &
 habent, libris eorum dimissis, nulla in personis
 eorum uel suorum irrogata iniuria, recipiant: &
 nobis, uel uicario nostro repræsentent. Arre: C
 stando insuper autoritate nostra, quæcunque ex
 ipso questu acquisita, & penes quoscunque depo-
 sita per ipsos fuerint. Vt autem animarum peri-
 culis, quas tales quæstores, & mendicantes suis
 deceptionibus decipiunt provideatur, & teme-
 ritas talium compescatur, uolumus & manda-
 mus, ut præsentem nostram constitutionem, die

Abus solennibus in pulpitu, seu ambone populo
publicent, & ad intellectum ipsorum de uerbo
ad uerbum clarè deducant. Hortamur uos om-
nes, & singulos superscriptos, ac per uiscera mi-
sericordie Iesu Christi obsecramus in Domino,
nihilominus uobis districtè præcipiendo man-
damus, quatenus pro diuina reuerentia fratres &
professores ordinum quorumlibet, & quæstua-
rios alios, literas nostras, aut uicarij nostri defes-
Brentes super prædictis habentes affectu beniuo-
lo commendatos, fratribus, aut quæstuarijs ipsis,
nō difficiles, graues, duros, aut asperos, sed potius
fauorabiles, propitios & benignos, pios & libe-
rales uos studeatis exhibere: & eos, quibus incro-
ta mendicita uictum præbet, in petendis elemo-
synis à Christi fidelibus nullatenus impedire, nec
eis licentiam aliquo modo denegare, uel portio-
nem quæstus seu mendicitatis, audeatis postula-
Cre. Hortamur tamen tenore præsentium religio-
sos mendicantes, ut quartam partem parochialis
bus sacerdotibus iure taxatam sine fraude & do-
lo ipsis soluere debeant, ne querelis ipsorum pa-
rochialium affligamur, & pax ipso iure indicta
firma & stabilita existat, cum non nisi tempore
pacis ipsius pacis autor bene colatur. Hortamur
insuper ipsos religiosos, ne in Ecclesijs, seu locis
inter

interdictis, diuina debeant celebrare, & si contrà A
fecerint, per poenas à iure statutas contra ipsos,
& alia iuris remedia procedemus.

DE OFFICIO ARCHIDIA- conorum, Caput XXXI.

CUm nos ex eo quòd omnium dicecesano-
rum, & subditorum nostrorum noticiam habere
nequeamus, & ipsorū status & conditiones plu-
rimum ignoremus, sepeq; contingat, quòd non B
nulli clerici uinculo excommunicationis astricti,
aut apostatae, aut irregulares, uel illegitimè na-
ti, & alias à sacrorum ordinum susceptione in-
digni ad huiuscemodi sacros ordines surreptitiè.
& falsò se faciant promoueri: Nos, uolentes ani-
marum ipsorum periculis obuiare, præsenti con-
stitutione statuimus & ordinamus, ut quotiens
cunq; Archidiaconus Archidiaconatus sui paro. C
chias uisitauerit, nomina quorumcūq; Archidia-
conatus ipsorum, qui ad ordines promoueri uo-
luerint, ritè & legitimè de uita, moribus & con-
ditionibus ipsorū, facto scrutinio, in scriptis re-
ducant & registrent: adueniente quoq; tempore
ordinationis ipsi Archidiaconi, uel uice Archidia-
coni ipsorum, absentibus ipsis Archidiaconis,
nobis,

A nobis, seu uicario nostro repræsentent ordinandos personaliter, seu per ipsorum Archidiaconorum, uel uice Archidiaconorū literas sigillorum ipsorum robore munitas. Si quis autem ordinandorū in hoc transgressor fuerit, dato, quòd alias legitimè ad susceptū ordinem potuerit promoueri, ipsum ab executione dicti ordinis usq; ad annum suspendimus, & in tribus florenis auri mulctetur, quorum medietas Cameræ nostræ applicetur, & alia medietas Archidiacono, in cuius Archidiaconatu residentiam fecerit seu domicilium habuerit, si nobis aut uicario nostro non denunciauerit.

DE COMMESSATIONIBVS,
Caput XX XII.

Dolentes referimus, quòd nō solum quidam uiatores clerici, uerumetiam aliqui Ecclesiarum prælati, circa comessationes superfluas, & fabulationes illicitas, ut de alijs taceamus, ferè medietatem noctis expendunt, & somno residuum relinquētes, uix ad diurnū auium conciniū excitantur, transeundo undique concinia syncopant diuinum officium. Sunt etiam aliqui, qui minimè curantes, quòd propter officium datur beneficium, censum

cenſum ſeruitutis ſue minimè perſoluunt, ſed pa- A
nem doloris comedentes, ſic illicitis ſecularium
negotiationibus, poſtergatis omnino horis Ca-
nonicis, ſe immiſcent, qui potius laici quàm clerici
meritò appellari deberent: &, quòd deterius
eſt, diuinis horis in Eccleſia intereſſe contemnunt:
& ſi quando inter ſunt horis, ſilentium fugientes
uanis colloquijs intendunt, dumcūq; auditum ad
indebitos ſermones effundūt, aures intentas non
porrigunt ad diuina. Hæc autem quàm ſint abo-
minabilia & deteſtabilia, ſanctorum patrum con- B
ſtitutionibus maniſeſtius edocetur. Volentes igitur
prædictis, quantum cum Deo poſſumus, pro-
uidere, hæc & ſimilia ſub poenæ excommunicationis
de cætero fieri prohibemus. Monentes ergo
omnes & ſingulos beneficia Eccleſiaſtica obtinen-
tes, nec non in ſubdiaconatus, diaconatus, & preſ-
byteratus ordinibus exiſtentes, ut horas Cano-
nicas dicere, & legitimo impedimento ceſſante, C
ſingulis diebus perficere debeant, ſub intermina-
tione maledictionis æternæ.

DE VSVRARIIS.

Caput XXXIII.

Quia uſurarum uorago, quæ animas deuor-
I rat,

Arat, facultates exhaurit & euacuat, ita inualuit,
quod negotijs alijs prætermisiss, pleriq; quali li-
cite usuras exerceant, & qualiter utriusq; testas-
menti pagina, & iuris utriusq; sanctione condem-
nentur, nequaquam attendant. Idcirco statuimus,
ut usurarij ad communionem non admittantur
altaris, nec ipsorum oblationes recipiantur, nisi sa-
tisfecerint illis, à quibus extorserant eas, uel de sa-
tisfactione idoneam præstiterint cautionem. Sed
Bsi non restitutis usuris, aut idonea cautione præ-
stita de ipsis restituendis in manibus parochialis
Ecclesie, decesserint, Ecclesiastica careant sepultu-
ra. Si quis autem ipsum usurarium Ecclesiasticæ
præsumperit tradere sepulture, uel eius exequijs
interesse, non restitutis usuris, uel idonea non præ-
stita cautione, ultra poenas in iure contētas, in de-
cem ducatis auri puniatur, quorum medietas Ca-
meræ nostræ applicetur, alia medietas Archidia-
cono, in cuius Archidiaconatu contrafaciens re-
pertus fuerit, si tales Officiali nostro denunciaues-
rint, quibus in uirtute sanctæ obedientiæ iniun-
gimus, ut de talibus, cum uisitauerint, inquirere
debeant cum effectu.

DE VSVRPATORIBVS EC-
clesiarum, Caput XXXIII.

Anno

Avaritia: cæcitas, & damnandæ ambitionis **A**
 improbitas aliquorū animos occupātes, eos
 in illā temeritatē impellūt, ut proprijs nō conten-
 ti, aliena exquisitis fraudib⁹ usurpare conent. Cū
 itaq; per prædecesores nostros limites parochia-
 rum, & assignationes providè facti, distincti &
 assignati fuerint, nonnulli tamen Ecclesijs uacans-
 tibus, ipsarum Ecclesiarū sic uacantium iura usur-
 pant: & tanquam capellas ipsas penitus sub se ha-
 bere nituntur: cum tamen manifestè constet ipsas **B**
 fuisse per se principales Ecclesias, & iura cimitæ-
 rij adhuc manifestè appareant, sed hoc diuturnis-
 tate temporis de alijs iuribus probare nequeant,
 ex quo plura insurgunt inconuenientia, quia li-
 mites parochiarum confunduntur, iura Ecclesias-
 rum etiam per laicos usurpantur, cum proprijs
 tales Ecclesiæ careant rectoribus, cultus diuinus, **C**
 qui augeri deberet, minuitur, nec non iura Archi-
 diaconorum Ecclesiæ nostræ in Cathedralico,
 & alijs iuribus Archidiaconalibus defraudantur.
 Quare malitijs hominum, quibus indulgeri non
 debet, providere uolentes præsentī constitutio-
 ne sancimus, ut nullus de cætero talia agere præ-
 sumat, omnes alios qui secus fecerint, sententia
 excommunicationis innodamus, uolentes, & ni-
 hilominus declarantes: quòd quicunq; fuerit sa-
 cerdos,

Acerdos, seu rector parochialis, tales sub se habes
Ecclesias, de quibus clarè probari non possit, pro
ipsis nihilominus teneantur soluere Cathedralis
cum: si autem fuerint Capellæ de quibus manife-
stè constet, pro medietate Cathedralici pro qua-
libet teneantur Capella, ut omnis rancor cauilla-
tionis & fraudis auferatur.

INTERDICTVM CONTRA

illos, qui pueros suos infra octo dies
baptizari non faciunt.

B

Caput XXXV.

Praeterea cum propter dilationem temporis
plerumq; infantes sine baptismo moriuntur: præ-
senti constitutione statuimus, ut Archidiaconi, ui-
ce Archidiaconi, presbyteri & alij Ecclesiarum
rectores singulis diebus Dominicis & festiuis,
moneant parochianos suos, ut infantes quantocius
Ctius possunt ad baptizandum deferant, & saltem
ultra octo dies, eos baptizare non differant. Si
quis autem contrà ire præsumpserit, ei firmissi-
mum teneatis interdictum, tam diu donec ipsum
baptizare curauerit. Praeterea nonnunquam ac-
cidit, quòd parentes ex eorum desidia & incuria
propriis opprimunt pueros. Cum autem scrip-
tum

ptum sit, quòd quilibet carnem suam omni soli A
 citudine & peruiigili cura custodire debeat, præs
 senti constitutione statuimus, quòd singulis die
 bus Dominicis Archidiaconi, uice Archidiao
 ni, presbyteri, & alij Ecclesiarum rectores publicè
 parochianos suos moneant & inducant, ut infan
 tes in lecto secum non teneant. Et si omnino ne
 cessitas urgeat in lecto eos habere, cum omni di
 ligentia & timore Dei habeant, & bene custo
 diant. B.

DE FESTIUITATIBVS CO
 lendis in hac Ecclesia & tota nostra
 diocesi. Caput XXXVI.

V T circa celebrationes festiuitatum in nostra
 Ecclesia Nitriensi, & diocesi concors, & perpe
 tua concordia habeatur: statuimus, ut in subscri
 ptis diebus clerici, & laici debeant à seruilibus C
 operibus abstinere.

Ianuarius habet dies XXXI.

Circuncisio Domini prima die Ianuarij.

Epiphania Domini Sexta die.

S. Agnetis uirginis & martyris XVII die.

Conuersio sancti Pauli XXV die.

Februarius habet dies XXVIII.

I in Pus

- A** Purificatio sanctæ Mariæ Secunda die.
 S. Mathiæ Apostoli XXVIII. die.
 Martius habet dies XXX.
 S. Gregorij papæ & confessoris XII. die.
 Annunciatio sanctæ Mariæ XXV. die.
 Aprilis habet dies XXX.
 B. Georgij martyris XXI. III. die.
 D. Marci Euangelistæ XXV. die.
 Resurrectio Domini cum duobus sequentib.
B Assensio eiusdem.
 Penthecostes cum duobus diebus sequentib.
 Festum sanctæ Trinitatis.
 Festum sacratissimi corporis Christi.
 Maius habet dies XXXI.
 S. Philippi & Iacobi Apostolorum prima die.
 Inuentio sanctæ crucis tertia die.
 S. Ioannis ante portam latinam sexta die.
 Apparitio S. Michaelis Archægeli octaua die.
C Iunius habet dies XXX.
 S. Ioannis Baptistæ XIII. die.
 B. Ladislai Regis Hungariæ XXVII. die.
 S. Petri & Pauli Apostolorum XXX. die.
 Iulius habet dies XXXI.
 Visitatio beatæ Mariæ uirginis secunda die.
 S. Margarietæ uirginis & martyris XIII. die.
 S. Zorardi & Benedicti martyrum XVII. die.
 S. Ma

S. Mariæ Magdalænæ **XXII. die. A**

S. Iacobi Apostoli **XXV. die.**

S. Annæ matris Mariæ **XXVI. die.**

Augustus habet dies **XXX.**

Transfiguratio Domini **VI. die.**

S. Laurentij martyris **X. die.**

Assumptio beatæ Mariæ uirginis **XV. die.**

D. Stephani Regis Hungariæ **XX. die.**

S. Bartholomæi Apostoli **XXIII. die.**

September habet dies **XXXI. B**

Natiuitas beatæ Mariæ **VIII. die.**

Exaltatio S. Crucis **XII. die.**

S. Matthæi Apostoli & Euangelistæ **XXI. die.**

S. Emmerani martyris, Venceslai martyris

XXII. die.

Dies Angelorū, Michaelis Archangeli **XX.**

October habet dies **XXX.**

S. Lucæ Euangelistæ **XVIII. die.**

B. Symonis & Iudæ Apostolorū **XXVIII. die. C**

November habet dies **XXX.**

Festum omnium sanctorum **prima die.**

S. Emerici Ducis **V. die.**

S. Martini Confessoris **XI. die.**

S. Elizabet uiduæ **XX. die.**

S. Catherinæ uirginis **XXV. die.**

S. Andreae Apostoli **XXX. die.**

Des

A December habet dies XXXI.

S. Nicolai Confessoris VI. die.

• Conceptio beatæ Mariæ VIII. die.

B. Thomæ Apostoli XXII. die.

Natiuitas Dñi nostri Iesu Christi XXV. die.

S. Stephani protomartyris XXVI. die.

S. Ioannis Apostoli & Euangelistæ XXVII. die.

Sanctorum Innocentum XXVIII. die.

Item omnes dies Dominici, quælibet Ecclesia

parochialis festum Patroni sui, in cuius hono-

re eadem Ecclesia est fundata. Item quælibet Ec-

B clesia dedicationem Ecclesiæ suæ quo die est

dedicata.

SEQVVTVR CASVS, QVOS

quilibet Confessor tenetur scire, ut secundū hoc

polsit consulere confitenti. Et primò de illis,

qui ab inferioribus gradibus mittendi

C sunt ad Episcopum.

Item homicida, sacrilegus, de corpore Domini
furans, cū Chrismate uel oleo sancto incantans.
testis iniquus, & conuictus deflorator, incestuo-
sus, ueneficus, parentū percussor, qui manus uio-
lentas imponunt clericis, religiosiis, & conuersis
regulæ astrictis.

Item

ITEM HABEC SVNT PECCATA

pro quibus debet dari solennis poenitentia. A

Raptor mulierum, uotorum fractores, errantes in fide, quorum filij ex negligentia sine baptismo perierunt, clerici irregulares, incendiarij, quando uotum priuatum oportet commutare uel remitti: pupillorum oppressores, necantes suum uel alienum parium, qui deltruunt concepitum, publica peccatrix, falsarius Episcopalis sigilli, uel conscienter utens, publicus usurarius, adulter, publicus latro, simoniacus laicus, infantium oppressores, masculorum concubitores. B

ITEM QVAE INDVCVNT OR

dinandis irregularitatem, & non sunt peccata.

Bigamus, seruus non manumissus, iudex occisor iusto iudicio, testes, Scriptores, & accusatores, membro carentes, ammentia uel furia saepe dilucida, ad rationem ligatus, illegitimus, coniugium, solennis poenitentia. C

ITEM QVAE INDVCVNT IR

regularitatem, & sunt peccata.

K Virgo

A Virginitas raptus ; adulterium publicum ; Si-
monia, furtum, sacrilegium, homicidium, schisma,
rapina, falsidicus testis, & conuictus hæreticus,
notum periurium, qui in iudicio accusat fratrem
iniusto crimine, & deficit in probatione, clericus
in casu non concessio accedens ad iudicium prin-
cipis, incestus, apostasia à fide, maleficium, uel di-
uination &c. maiori sententia excommunicationis
ligatus, & omnis infamis, simplex coitus iudicio
B approbatus.

ITEM MAIOR EXCOMMV.

nicatio trahitur in decem & octo
modis.

Primus, cum quis incidit in heresim iam dam-
natam. Secundus, cum quis receptat, uel defendit
scienter hæreticos, aut ex malitia nouas fingit hæ-
Creses. Tertius, cum quis Romanam Ecclesiam non
dixerit esse caput, & ei, ut capiti noluerit obedire.
Quartus, cum quis in clerum, monachum, aut
monialem, uel conuersum manus iniecit temere
uolentas. Quintus, cum quis potest defendere
clericum à uiolenta manuum iniectione, & non
facit. Sextus, cum Potestates, Consules, & Re-
sctores ciuitatum, uel locorum angarias, uel exas-
ctio

ctiones indebitas, & maledictas leges clericis im- **A**
 ponunt contra Ecclesiastica statuta. Septimus, in
 cendiarij, & uiolatores Ecclesiarum. Octauus,
 cum quis à paucioribus quàm à duabus partis
 bus Cardinalium in Papam eligitur, & consens
 tit. Nonus, cum quis falsificat literas Papæ, uel
 eis scienter utitur. Decimus, cum quis defert ar
 ma Sarracenis, aut ferrum, uel auxilium. Undeci
 mus, cum Magister, uel scholaris Bononiæ tra
 ctat cum aliquo Bononiensi ciue, de ipsius hospi **B**
 tio conducēdo, irrequisitis Scholaribus in domo
 existē. Duodecimus, si monach⁹, uel Canonicus
 regularis, aut personatum uel dignitatem tenens,
 leges uel physicam audiuerit. Tredecimus est, sa
 gittans balistarū contra Christianos in bello in
 iusto, aut qui contra statuta, & Ecclesiasticas con
 stitutiones uel consuetudines, nec non earundem
 libertates, abusiue consuetudines conseruari fa
 ciunt. Quartusdecimus cōtrahitur in statuarijs. **C**
 Quintusdecimus contrahitur in statutorum il
 lorum scriptoribus. Sextusdecimus contrahitur
 in potestatibus, Consulibus, Rectoribus, Consu
 liarijs locorum, in quibus huiusmodi statuta ædi
 ta fuerint uel seruata. Septimusdecimus, in his qui
 secundum ea iudicare præsumpserint. Octauus
 decimus, in his, qui iudicata maledicta statuta in
 K ij publicis

A publicam formam redegerint.

ITEM MINORI EXCOMMV-
nicatione ligati hi sunt.

V Surarius publicus, leno, raptor, meretrix,
pauperis oppressor, participans cum excommu-
nicato, sacrilegus, simoniacus, qui tenet domina-
tum Ecclesie à laico: qui noto crimine moritur,
B uel in torneamento, hi etiā debēt priuari Ecclesie
ca sepultura.

HI SVNT CASVS IN QVI-
bus compellitur confitens ad res-
titutionem.

F Vr, raptor, latro, simoniacus, usurarius, pi-
gnora tollens, incendiarius, sacrilegus, sumens
C iniustas collectas, tributa tollens & faciens, mu-
rans terminos uel metas, qui in damnum alterius
scienter aduocat, iudex & testis iniquus, falsus te-
stis, accusator consilio damnificatus, bona Eccle-
sie qui dat prauis personis, uel etiam ledens, mu-
lier supponens sibi alienum partum in damnum
hæredis uel mariti, iussor ad damnum, consilia-
rius & consentiens, qui tenet rem furtiuam uel
raptam,

raptā, malefidei possessor, qui furta uel rapta occultat, qui unitur adulatiōe, & laborat ad alterius læsionem uel damnum, seruitia uel labores aliorum reseruans.

FINIS.

DEO GRATIAS.

Anno Domini 1494.

ANNOTATIONES

QVAEDAM HOC MAXI-

me tempore perneceffarie ad pleniorē intel-

ligentiam harum Synodaliū con-

stitutionum Eccleſiæ Ni-

triensis.

PROOEMIUM IN DECLARA-

tiones & annotationes constitutionum.

TAmetsi constitutiones Eccleſiæ Nitriensis, quæ hoc

libro continentur, per se ſint Catholice, doctæ, ac

piæ, tamen quia, quædam ſunt in eis, quæ declaratio-

nem aliquam exigere uidentur, ſtatuiſmus pro ratione

officij noſtri, utilitati ueſtræ conſulere, fratres in Chri-

ſto dilectiſſimi. Quare quamprimum id, quantum per

occupationes ac tempus licuit, curauimus, ut, ſimul cum

ipſis conſtitutionibus, declarationes quoq; hæc recipere-

retis. Tantopere enim uos in Chriſto diligimus, fratres

ac amore filij dilectiſſimi, ut neq; laboribus parcere, neq;

pecunijs ulla ratione uoluerimus, ac præmium quidem

ultra condignum à Deo optimo maximo omnis boni au-

ctore expectantes, perfectionem ſanè animarum ueſtra-

rum, ac eorum, qui curæ ſunt ueſtræ commendati, pro

amoris erga uos noſtri, laboris, ac expenſarū compen-

satione

satione à uobis ipsis maiorem in modum exposcimus;
quod, si, ut de bonitate Dei, ac diligentia uestra spera-
mus, fuerimus cōsequuti, maioris id sanè fecerimus, quàm
si ingentem auri massam quouis tempore inuenissemus:
Et uos hac ratione facilius optatam ad beatitudinem
cœlestem peruenietis. Iam uerò id in istis nostris decla-
rationibus seruabimus: ut prius ponatur titulus, in quo
annotetur caput constitutionum, folium libri, pagina, &
litera A. B. aut C. Similis illi, quæ erit in margine cōsti-
tutionum, sub qua fuerint uerba illa, quibus additur
explanatio. Deinde ponentur ipsa uerba textus consti-
tutionum: ac tum demum accedet declaratio. Quo in-
primis cognitò nullà difficultas supererit, sed facili-
quid quomodo declaretur constabit.

CIRCA ILLVD PRÆAMB V-

bulum: Constitutiones Synod. Ecclesiæ

Nitriē. An. 2493. declaratio.

Pagina 1. folij primi,

litera A.

Autoritate autem ips. sac. scriptura. totaliter gubernatur: ex uniuersali &c. Horum uerborum intelligentia satis ex ipsa Augustiniana diuisione constat. Non enim ea est, quam hæretici moderni indoctè in primis affirmant, ac temerè (dæmonis, ut puto, astu & technis, non propria malitia decepti) nonnulli etiam mordicus tenent miseri. Nimirum, recipiendum esse nihil in Ecclesia, quod expressè nō habeatur in scripturis. Hoc autem falsissimum esse ipsa etiam D. Augustini uerba, quæ statim sequuntur, assatim conuincūt. Ait enim: Ex uniuersali traditione maiorum nihilominus regitur ipsa tota S. Ecclesia: Priuatīs uerò constitutionibus, & proprijs informationibus pro locorum uarietate regitur unaquæque. Hoc profectò fieri nulla ratione posset, si hæreticorum sententia iam recitata uera esset, cum neque uniuersales traditiones maiorum, quibus tota Ecclesia gubernatur, neque particulares, quibus particulares Ecclesiæ diriguntur, expressè

L se in

se in sacris Biblijs inueniantur. Voluit igitur dicere, paris esse autoritatis Ecclesiam, eiusque sanctiones, & sacrā scripturā, quam Ecclesia ipsa recipit. Quia utrobique est, eandem ob causam, & ad cordis effectus communes, idem Domini Spiritus, perpetuo cum uniuersali Ecclesia ex Christi promissione mansurus, quo pari ratione & per scripturam sacram, & per uniuersales traditiones uniuersalis gubernatur Ecclesia. Spiritum uerò particularium Ecclesiarum (tamen si propter peccata populi atque Episcopi tolli ille possit, quod contigit multis priuatis Ecclesijs, iam hæreticis) nihilominus tamen eundem esse docet, cum Spiritu uniuersalis Ecclesiæ: sed ad particulares constitutiones, & effectus datus pro gubernatione particularium Ecclesiarum, quod sanè est uerissimum, quando uidelicet nihil in illis priuatis constitutionibus priuatarum Ecclesiarum statuitur, aut agitur, quod sit contra scripturæ autoritatem sacræ, uel à spiritu alienum uniuersalis Ecclesiæ. Potest etiam hoc modo intelligi uerbum illud B. Augustini, Quod scilicet, quemadmodum tota Ecclesia totaliter gaudet autoritate scripturæ, eique tota Ecclesia nititur: sic etiam tota & quæuis Ecclesiæ uniuersalis pars traditiones admittit & amplectitur maiorum, tam uniuersales quàm

quàm particulares, easq; meritò ueneratur, quibus uniuersalis uniuersalibus, particularis item particularibus diuina regitur dispositione, & ad coelestem patriam dirigitur atq; impellitur. Quod miserè ore tenus potius, ut suspicamur, quàm corde, negant hæretici.

IBIDEM LITERA B. ALIA
declaratio.

Priuatis uerò constitutionibus, & proprijs informationibus pro locorum uarietate regitur unaquæque, &c. Caue ne hic decipiaris, uel quando dicitur priuatis constitutionibus, & proprijs informationibus uel quando additur, regitur unaquæq;. Nam priuatae constitutiones & propriae informationes, hic non sunt neq; intelliguntur pro captu ac ingeniolo cuiusq; personae humanae inuentiones, ut sunt illae, quibus reguntur, non Ecclesiae, sed synagogae Sathanae, quibus eius uicarij praesunt hæretici Caluiniiani, Lutherani, Anabaptistae, & quamplurimi alij eiusdem farinae. Sed priuatae constitutiones dicuntur respectu uniuersalium, & propriae informationes Episcoporum respectu informationum, quae in concilijs uniuersalibus maximè cum summi Pon-

L ij tificis.

uificis Romani autoritate à plurimis Episcopis si-
mul fiunt. Sunt autem hæreticę illę priuatę con-
stitutiones, & proprię informationes, quę ita
sunt priuatę & proprię, ut pugnent cum an-
tiqua fide & pietate, cum sensu scripturarũ, quę
uniuersalis iam à mille & quingentis & eo amo-
pli⁹ annis recepit Ecclesia Romana, disperlit tan-
dem per uniuersum orbem, & fidelissimè tamen
semper apud se conseruauit, quęq; pugnant cum
Spiritu & doctrina, & sanctiõib⁹ uniuersalis Ece-
clesiæ Apostolicę & Romanæ, quę unica Chri-
sti sponsa est. Vnaquęq; autē dicitur, non quòd
plures Ecclesiæ sint, unica enim sponsa Christi
Ecclesia est, mater nostra: sed quia omnes Christi
fideles ubicunq; dispersi sunt, tamē ad illam uni-
cam Ecclesiam spectant: ut quæuis Christiano-
rum multitudo distantia loci ab alijs distincta ita
dicatur Ecclesia, sicut quæuis pars aquæ flumi-
nis dicitur aqua, & dicitur flumen, quę tamen re-
spectu totius dicitur particularis aqua, peculiaris
pars fluminis. Ergo unamquancq; Ecclesiam intel-
lige partem esse quandam uniuersalis, si distantia
loci proprio Episcopo, & externis quibusdam
signis distinguitur tantum. Nam quę ratione
doctrinæ fidei est ab uniuersali Ecclesia aliena &
distincta, iam non dicitur amplius Ecclesia uel par-
ticu-

ticularis uel uniuersalis, sed conuenticulum, sed
 synagoga Satanæ, sed imago inferni & cathedra
 pestilentia. Alia sunt Saxonica cōuenticula, Bren-
 tiana, Caluiniana, Hufsitica, Georgij maioris,
 Musculi, & ea omnia loca & gentes illæ omnes
 & singulæ, quibus noui supposititij & inuentitij
 euangelistæ, & hæretici omnes nostri temporis,
 præsumunt, & ubi antiquæ fidei uix ullum est amplius,
 proli dolor & pudor, relictum uestigium.
 Imò illæ omnes congregationes, tales ac eiusdem
 farinae synagogæ Satanæ sunt, ubi ab uniuersali
 Ecclesia, & ab eius spiritu discessum est & discedi-
 tur, & cum ea eiusq; sanctissimis legibus, & præ-
 sule supremo Christi uicario pontifice Romano
 pugnatur: à quibus conuenticulis & malis, nos
 pro sua bonitate liberet dextera excelsi Dei nos-
 tri.

DECLARATIONES IN PRO-
 cecium constitutionum prædictarum,
 pagina 1. folij 2. litera A.

Nos pastores uestri sumus, uos pastores cō-
 missæ uobis plebis &c. Quamuis constitutio-
 nes non solum ad Parochos, sed ad alios simpli-
 ces Sacerdotes, & Sacellanos, & Gratianos, &

L iij Clericos

Clericos diriguntur, hoc tamen in loco tantum cum ipsis plebanis, qui curam animarum habere sciuntur, loquitur Episcopus piæ memoriæ Antonius. Constat autem non omnes curam animarum habere Sacerdotes. Quare, qui tales sunt, ne putent se propter hæc uerba uel ordinariam potestatem cum ipsis ordinibus, uel delegatam ab ipso Episcopo aliquam accepisse. Deinde caueant Plebani, ne arbitrentur, aut etiam dicant, Episcopis curam tantum esse commissam à Deo Plebanorum, non autem reliquæ plebis, quod sic dicatur: Nos pastores uestri sumus, uos pastores commissæ plebis. Nam Episcopi tametsi immediatius præsunt ipsis plebanis, præsunt nihilominus Plebanorum plebibus, sed mediatius, & inuigilare tenentur maximè pro animabus plebanorum, & totius gentis, quam sub Episcopatu suo habent, tanquam reddituri rationem pro animabus illis. Cum igitur Episcopus sit Pastor Plebanorum, est etiam certè pastor plebis commissæ ipsis plebanis, ne uel Plebanus plus sibi arroget, quàm par est, uel Episcop⁹ minus curet bonarum animarum, quæ parochis committuntur, quàm deceat, sed inuigilet redditurus pro animabus illis omnibus rationem Deo strictissimè. Fortioribus enim fortior est, ut scriptura ait, cruciatio. Ceterum

rum nisi plebani ipsi in officio suo diligentes fuerint, maledicti erunt, eadē scriptura dicente: Maledictus homo, qui facit opus Dei negligenter: animam enim, quę, propter plebani negligentiam inexcusabilem perierit, requireret Deus iustus iudex de manibus eius.

ALIA DECLARATIO

ibidem.

Nos summo pastori Domino nostro Iesu Christo &c. Hic agitur de particulari unius cuiusq; iudicio diuino, quod recipit quauis anima ante tribunal Domini in ipso exitu à corpore, de bonis uel malis, quę fecit in corpore dum uiueret: uel agitur etiā de finali & cōmuni omnium iudicio. Alioquin nos oēs Episcopi uel Archiepiscopi uel etiā Patriarchę de parte ministerij, quā cum uicario Christi sortiti sumus, in hac uita tene mur rationem reddere, ipsi Christi Domini nostri Vicario Pontifici summo Romano, quod ultrò sanè fateamur libenter, ne Episcopos sine pastore esse à Christo relictos, quispiam forte suspicetur. Illi enim uniuersalis Christi Ecclesię, nobis pars eius commissa est, ille noster quoq; pastōr, Christi Iesu pastoris primarij ac summi omnium

omnium pastorum loco, in terris est. Illi itaque nos quoque rationem vite nostrae reddere in terris debemus, & ipse pro nobis eandem quoque redditurus est coram Deo, & Domino nostro Iesu Christo, qui cum summus sit pastor apud patrem, uoluit tamen summum suum uicarium D. Petrum ac omnes eius successores relinquere in terris apud filios quamuis indignos. Hunc ergo non solum fratrem nostrum, sed Christi uicarium, qui hodie est Pius III. re & nomine, ut audimus, uerè pius, & pastorem nostrum summumque Ecclesie uniuersalis, Christi sponsae, matris nostrae, pontificem agnoscimus, amamus, reuerenter colimus, eique à nobis omnibus ebediendum, & à tota Ecclesia per necessarium esse, si in Ecclesia Christi esse uolumus, & in ea saluari bene faciendo, dicamus.

ALIA DECLARATIO IN EO

dem procemio, pagina 2. folij 2.

litera B.

Nisi ex iusta & probabili causa timoris &c. Non hic datur facultas, gladio aliquem ferienti, etiam si adsit iusta & probabilis causa timoris: hoc enim nulla ratione licet. Nam si Apostolus
repre

reprehendit merito illos, qui contendebant inter
se, & hoc apud infideles, dicens: Quare non ma-
gis iniuriam patimini & reliqua, quid putamus
dicturum de eo, qui uel ferrer, uel ob causam ti-
moris gladium concederet alicui ad feriendum
inimicum quem timet? Conceditur igitur istis
verbis, quod alioquin non licet, ut aliquis Sacer-
dos uel Ecclesiasticus gladium, seu arma portet,
ex iusta & probabili causa timoris, non ut ho-
stem feriat, sed ut se protegat ab hostis iniurijs,
ac uitam honesta ratione tucatur suam. Inculpa-
ta enim tutela non condemnatur ab Ecclesia, ut
in directorio confessionis de casibus cōscientie,
quod uobis mittimus facile erit uidere. At, ut in
hoc ipso quoq; proemio declaratur, proprium
officium Sacerdotis esse, omnibus prodesse, nul-
li autem nocere uelle, nullus uestrum, fratres,
ignorat.

IN CAPVT PRIMVM DE

Baptismo, pagina 2. folij 3. lite-
ra A. declaratio.

QUO non recepto nul'a alia S. Sacramēta pro
sunt ad salutem, &c. Quid si aliquis crederet se
baptizatum, & tamen non esset baptizatus: nun-
M quid

quid reliqua Sacramenta non proderent illi ad salutem dignè pro humana fragilitate, cum Dei gratia suscepta? Respondetur. Si quis haberet aliquam probabilitatem competentem, id est, secundum iudicium Episcopi, aut uiri prudentis & boni (moralem probabilitatem hanc uocamus, quam non facile simplices agnoscunt aut idiotæ) tunc deberet baptizari sanè homo ille. Nam si quando talis aliquis inueniatur, qui uehementer ob certas rationes meritò dubitet, utrum sit baptizatus necne, piè profectò sub conditione homo huiusmodi baptizatur, quæ conditio efficit, ne actus ille rebaptizatio aut sit aut dicatur, etiam si fortè fortuna ille esset baptizatus, cuius baptismi in hominum memoria, aut nullum omnino uestigium, aut non quale oporteat apparet. Alioquin si talis baptizari contemneret, dubio procul periculum esset, ne reliqua Sacramenta plus nocerent eius animæ quàm proderent, & si omnino nollet baptizari, grauissimè peccaret. Quòd si aliquis honestis rationibus, probabilisq; coniectura crederet se esse baptizatum, huic sanè reliqua Sacramenta possent ad salutem prodesse, & re uera proderent dignè suscepta, quamuis re uera baptizatus non esset, quod pluribus modis posset contingere, quemadmodum
si alia

si aliquis in aliquo loco deserto nasceretur, & statim mater moreretur, atque post aliquot dies infans inueniretur ab aliquibus hominibus, qui credentes illum esse baptizatum, quod eum fortè prope flumen inuenissent, tanquam Christianum educarent. Mille etiã alijs modis hoc posset contingere, uel quia neq; forma neq; intentio fuit seruata in Baptismo, & tunc re uera non esset baptizatus, tametsi crederetur baptizatus. Itaq; si adfuit oportunitas suscipiendi baptismum, & non est baptizatus, neq; tunc baptizari cupit, etiamsi adfuit commoditas, nihil reliqua Sacramenta prosunt ad salutem homini illi. Si uerò non est re uera baptizatus, & tamen honestis rationibus putat se esse baptizatum, reliqua etiam Sacramenta cum fructu suscipere, si ea dignè suscipiat.

IN EODEM CAP FOLIO

4. pagina 1. litera A. & B.

SECUNDUM formam Ecclesiæ collatus prodest ad salutem. Et postea: Dum modo præmissa forma uerborum, seruetur. Hæc ita intelligenda sunt, & eo modo, quo Ecclesia intelligit uniuersalis, Romana nimirum, si adfuit intentio conferendi per Sacramentum baptismi, id quod mater Eccle-

M ij lia

fia confert per idem Sacramentum. Non solum enim forma requiritur uerborum, sed etiam intentio, quam habet mater Ecclesia catholica, dum baptizat: alioquin baptismus non prodesset ad salutem. Itaq; hoc semel dixisse sit satis. Vbi de baptismo agitur, requiritur nō solum materia & forma consueta, sed etiam intētio conferendi id, quod Ecclesia dat, & confert per baptismi Sacramentum, ut illud sit ad salutem.

ALIA FOLII 4. PAGINA 2. A.

SI tu baptizatus es, non te rebaptizo, &c. Non est opus tot uerbis, sed satis est dicere: Si non es baptizatus, ego te baptizo in nomine Patris, & filij, & Spiritus sancti. Verba uerò illa: Si non es baptizatus, non sunt superflua. Nam tamen si sufficere posset recta intētio baptizantis, propter circumstantes tamen, non immerito quod corde tenet Ecclesia, uoce etiam exprimit. Hisdem uerbis uti oportet, quando aliquis est baptizandus ob quamcunq; legitimam causam, unde oriretur dubitatio, utrum esset ille baptizatus necne, ut superius diximus.

IN CAPVT II. DE CONFIR-

matione folij 5. pagina 1. litera A.

declaratio.

ET dirimens i. separans iam contractum &c. Contractum matrimonium hic dicitur, quod apparetur est. Nam re uera matrimonium non erat respectu illarum personarum, quia materia quæ erat inhabilitata propter impedimentum, non recepit, neq; potuit recipere formam illam matrimoniam, & copula fuit mala. Ergo quauis forma fuerit in contrahendo obseruata, quia contrahere illæ persone non potuerunt, propter dictum impedimentum, contractio non fuit. Itaq; quando dicitur, & dirimit contractum, nihil aliud est dicere, quàm cognatio illa talis est, ob quã Ecclesia iudicabit illos non contraxisse, neq; esse inter eos matrimoniũ, quod contraxisse uidetur. Alioquin si matrimonium esset, illud unum ex septem Ecclesiæ Sacramentis, meritò obseruaretur dictum illud præceptum: Quos Deus coniunxit, homo non separet.

IN CAPVT III. DE POENI-

tentia, folij 5. pagina 2. A.

declaratio.

M iij Si

SI confitens loqui potest, &c. Quid si non poterit loqui? nunquid satis est, ut corde confiteatur Deo? Minimè gentiū. Sed id facere signis, uel quacumq; alia honesta & decenti ratione possit, tenetur singulis annis semel saltem sub excommunicationis poena. Qua de re & de omnibus quæ ad Sacramentum poenitentiae spectant, in directorio sæpius dicto agitur utiliter & tractatur. Quod uerò additur: Etiam quartum necesse est, uidelicet, firmum propositum ulterius non peccandi, additum est ad maiorem rei explicationem. Alioqui non est quartum, sed primum, quia ad contritionem expectat, & sub illa continetur.

IN EODEM CAPITE FOLII

6. pagina 1. litera B. & C. alia
declaratio.

SANè in Absolutione poenitentis, &c. Hanc formam, seu modum potius, absolutionis non ducimus amplius obseruandum in Nitriensi Ecclesia, sed ille potius seruetur, qui communis est in tota uniuersali Romana Ecclesia, quæ inuenietis in directorio illo sæpe memorato, quod uobis misimus composito à M. Ioan. Polanco theologo Societatis Iesu, & Viennæ denuo excuso in
adi

ædibus Collegij Cæsarei dictæ Societatis. Nam confessio illa generalis, Confiteor Deo Patri &c. ante quàm peccator incipiat confiteri in specie & particulari de peccatis suis, debet ab eodem dici usq; ad illa uerba, Mea culpa, exclusiuè, quam absoluet, postquàm nullius amplius recordatur peccati, ut plenius in dicto directorio habetur. Deinde redundat dictus modus in constitutionibus, assignatis uerbis non necessarijs, & hoc maxime tempore non satis accommodatis, tamen si antiqui illa addita uoluerint ad cautelam maiorem, sed citra necessitatē quædam quoq; ibidem uerba habentur, quæ tali tempore periculose dicerentur, maxime ab illis, qui non usque adeo docti sunt, plebanis, quales hoc nostro tempore, proh dolor, ferè omnes sunt, ut puta, quæ mihi cum contritione confessus es, & illa, absoluo te ab his peccatis, quæ confessus es, & his quæ oblitus es. Ad hæc illud quod dicitur. Demum ponat manus super caput eius, illud non est de necessitate, sicut in quibusdam alijs Sacramentis, sed est cæremonia quædam, usitata quidem & antiqua, bonam ac honestam ob causam olim inuenta, sed quæ à nonnullis omittitur. Hic autem satis erit intelligere impositionem illam manus non esse de essentia Sacramenti absolutionis, quæ
admo/

admodum aliqui fortasse facile possent suspicari. Omnisu n præterea est in eadem forma absolutionis aliquid, quod addi communiter solet ad maiorem cautelam, nempe absolutio ab excommunicatione, in quam fortè pœnitens in seius incurrit, à qua nisi prius absolueretur, non esset absolute solutio danda à peccatis. Communis igitur modus absoluendi est iste.

PRÆAMBULVM ABSOLUTIONIS.

Misereatur tui omnipotens Deus, & dimissis peccatis tuis, perducatur te in uitam æternā, Amen. Aliqui addunt, Indulgentiam, absolutionem, & remissionem peccatorum tuorum tribuat tibi omnipotens & misericors Dominus, Amen. Sed potest hoc ultimum & etiam primum maximè in reconciliationibus omitti sine offensa Sacramenti. Deinde imponunt pœnitentiam pro peccatis, quam cum maiori fructu poterit pœnitens perficere, &c. Postea dicunt formam ipsam absolutionis in hunc modum: Dominus noster Iesus Christus dignetur te absolueret (hæc uerba etiam non sunt de essentia absolutionis, sed sunt uerba precatoria) & ego autoritate ipsius mihi concessa (mihi

sa (mihi concessa , etiam potest hoc omitti , quia
subintelligitur) absoluo te in primis à sententia
excommunicationis (hic addunt aliqui: In quan-
tum possum & indiges, quę uerba subintelliguntur,
& ideo non sunt omnino necessaria) deinde
eadem autoritate absoluo te à peccatis tuis in no-
mine Patris, & Filij, & Spiritus sancti, Amen. Ex
omnibus istis uerbis illa uidetur de necessitate tan-
tum: Ego te absoluo à peccatis tuis in nomine Pa-
tris, & Filij, & Spiritus sancti. Imò etiam potest
dimitti in casu urgenti illud pronomen Ego , &
illa etiam uerba secundum nonnullos, In nomine
Patris, &c. ut solum sit satis, si quando urgeat
necessitas, dicere: Absoluo te à peccatis tuis. Pos-
tea in fine additur communiter sequentia absol-
utiōis: Merita passiōis Domini nostri Iesu Chri-
sti, & beatissimę uirginis Marię, & omniū san-
ctorum sint tibi in remissionem peccatorum, in
augmentum gratiæ, in præmium uitę æternę,
Amen. Colligamus igitur ex istis omnibus co-
mūnem modum absoluendi, sitq; iste: In primis,
postquam absoluit omnia quę tenetur pœnitens
facere, illo tempore dicat Sacerdos, Misereatur
tui omnipotens Deus, & dimissis peccatis tuis,
perducat te in uitam æternam, Amen. Deind. di-
cat Sacerdos confitenti, quam pœnitenti in des-
N. beat

beat facere, ac subiungat: Dominus noster Iesus
Christus dignetur te absolueret, & ego autoritatē
te ipsius mihi concessa, absoluo te in primis à sen-
tentia excommunicationis, deinde absoluo te à pec-
catis tuis, in nomine Patris, & Filij, & Spiritus
sancti, Amen. Merita passionis Domini nostri Ie-
su Christi, & beatissimæ uirginis Mariæ, & om-
nium sanctorum, & bona quæ feceris, & mala
quæ sustinueris, sint tibi in remissionem peccato-
rum, in augmentum gratiæ, in præmium uitæ æ-
ternæ, Amen. Caueant interim ne absoluant ple-
bani suos ab excommunicatione, uel ab illis etiam
peccatis, in quæ sciuerint incurrisse, quæq; noue-
rint esse Episcopali sedē, uel etiam Papali refer-
uata.

ALIA ANNOTATIO CIRCA
idem Caput, folij 6. pagina 2. B.

Secundus, si peccans in alia parochia, &c. Vel
hoc non potest concedi ulla ratione, uel certè ita
intelligendum est, nimirum, quando aliquis uult
mutare domicilium ad aliam parochiam, etiam
postquam transtulit bona sua mobilia, poterit in
antiqua, quam deserit, confiteri de peccatis, quæ in
ea commisit, idēq; antequam in noua parochia ha-
bitare incipiat.

IBIDEM ALIA.

Quartus, si aliquis est uagabundus, &c. Proprius confessorius uagabundi est ille, qui Cathedrali Ecclesie eius ciuitati, ubi habitat præest, uel certè plebanus eius parochiæ, in qua tunc fuerit, quando ex præcepto Ecclesiæ, semel saltem in anno tenentur omnes confiteri, uel illi qui habent potestatem, ut ubiuis terrarum & gentium audire confessiones possint.

IBIDEM LITERA C.

Imò & laico & etiam mulieri &c. Confessio quæ fit laico uel mulieri, non est Sacramentum poenitentiae, neq; necessaria ad salutem, etiam in extremis periculis, sed est enarratio quædam eorum, quæ homo bene uel malè fecit, eoq; largo modo confessio dici potest, & fit aliqua consolationis ac humilitatis causa, ut bono consilio & orationibus (quibus mulier seu uir aliquis, propter mortis instantis periculum, putat se egere) ab eo, cui peccata narrantur, inuuetur, eo maxime tempore, cum in tanto periculo Sacerdos inueniri commodè non potest. Itaq; non esset ponenda isthæc confessio absq; declaratione in tracta-

N ij tione.

tionem de Sacramento poenitentiae, ne facile quis
idiota Sacerdos credat esse Sacramentum. Neque
enim est eadem ratio huius aliorumque Sacramen-
torum omnium & baptismi, qui cum sit porta,
ut dictum est, reliquorum Sacramentorum, Sa-
cramentum erit, ut à quacunque persona rite per-
ficiatur.

ALIA ANNOTATIO,

folio 7. pagina 1. A.

Nec spuat, nec faciem torqueat, &c. Hæc non
solum in confessionibus audientis mulierum sunt
merito obseruanda, sed etiam in omnibus alijs.
Neque eam ob causam tantum, ne terreatur, sed
etiam ne circumstantes inde colligant, poeniten-
tem, cuius tunc auditur confessio, aliquod mortu-
le & graue peccatum commisisse. Cautè igitur
propter utramque causam & prudenter agendum
in huiusmodi negotijs, ne ulli deus offendicu-
lum, & ne præbeamus causam, maximè hoc tem-
pore ullam eis, qui occasiones quærunt, quo mi-
nus accedant ad Sacramentum hoc poenitentiae.
quod est retinaculum quoddam maximum in uir-
ta Christiana, & quo Dei gratia conseruatur &
augetur. Igitur ne à fide, i maiorum plenitudine des-
ficient

ficiant poenitentes propter imprudentiā nostram.
fratres dilecti, summopere curandum est.

IBIDEM LITERA B.

Illud postremò adiicimus, quòd Sacerdotes
plebes sibi commissas frequēter ad confessionem
& poenitentiam moneant & hortentur, &c Ob-
secro uos fratres mei dilectissimi, ac per uiscera
misericordiæ Dei nostri, in quibus uisitauit nos
oriens ex alto, & per sanguinem, quem pro no-
bis fudit abundē, horror & obtestor, ut hoc dili-
gentissimè custodiat, pia memoria illius S. Epi-
scopi Antonij consilium, ac exemplo in primis,
& uerbo deinde uestro id apud quoscunq; pote-
ritis, perficiatis: &, ut saltem singulis mensibus
semel confiteantur, contendite, quod à magnis etiā
uiris, ut nobis est pro certo à uiris fide dignis re-
latum, sit, & à quamplurimis etiā octauo quoq;
die, maximè Romæ, & in tota serè Italia, in Hispa-
nia, Lusitania, India, Gallia, Flandria, & nūc etiam
in Germania, & Boemia, uisite Monachij, In-
golstadij, Augustæ, Pragæ, & Viennæ maximè
in omnium hominum conspectu, non solum in
cathedrali Ecclesia, & collegio Cæsareo Societa-
tis Iesu, sed etiam in alijs quoq; Ecclesijs ciuitatis.

N iij Idem

Idem fieri coeptum est, quod more primitiuae Ecclesiae & temporum Apostolorum obseruant diligentissime permulti Catholici acuri probi. Igitur, ut in Nitriensi quoque diocesi gratia Dei, exhortatione nostra & maiorum nostrorum, exemplo, uerbo & auxilio uestro sanctissimum hoc idem pietatis exercitium introducatur, plurimum laborate, fratres dilecti, nihil pecuniarum uel munerum ob huiusmodi labores ulla ratione ab hominibus uel expectantes, uel accipientes, quod facilius eò homines pertrahantur, ac liberius etiam maiori cum pietate id faciant. Deus enim pars hereditatis uestrae erit, & benedicet uobis pro huiusmodi operis praemio, si hanc rem singulari cura & studio perficere, quod speramus, contemderenon destiteritis.

IN CAPVT IIII. DE EUCCHARISTIA,

folij 8. pagina 1. A.

declaratio.

CVM autem semel in anno, &c. Semel in anno communicare consueuerunt fideles illi, qui parum pensi habent de salute animae suae, quia alioquin id nisi facerent, excommunicarentur ipso facto, quando legitima causa nulla intercederet, cur id,

etur id, quod tenent, præstare non possent. Boni autem & p̄i uiri, qui inter chara pignora sua nulum charius habent, quàm salutem anime, sapissimè non coacti, sicut illi, qui semel tantum in anno id faciunt, quòd aliter facere absq̃ ignominia non possunt, sed liberè, piè, sanctè, & maximo cum fructu confitentur, ut diximus, sapissimè, maximaq̃ cum mentis hilaritate communicant. Tenentur tamen omnes, quicunq̃ possunt, id singulis annis saltem semel circa pascha resurrectionis facere sub excommunicationis poena.

IBIDEM LITERA B.

annotatio.

PRiuatò & secretò admonete, ut communicare non præsumat, &c. Hoc in confessione fieri debet, & quid suo tempore non præstaret, conuinceretur negligèter confessarij officio functus fuisse, maximè si is qui confessus esset, ignoraret utrum posset communicare nec ne, & utrum bene uel malè faceret cōmunicando: alioquin extra confessionem etiã cum ipsis, qui nobis sunt confessi, solis, neq̃ in secreto neq̃ in publico loqui licet de his, quæ alia ratione non sciuntur, quàm ex confessione. Vel ita certè cautè est agendum
in hu

in huiusmodi negotio anime, ne ulla ratioe quies
quam fictum aut dictum contra confessionis sig
gillum iudicari à quoquam uiro prudēte possit.

IN CAPITVLVM V. DE EX

trema unctione, folij 8. pagina 2.

litera B. declaratio.

Fideles doli capaces i. quindecim annorū &c.
Non est usq̃ adeo regula certa de ætate. Nam
quamuis secundum communē doctrinam maius
iudicium requiratur ad cognitionē huius Sacra
menti, ut cum reuerentia suscipiatur, quā com
muniter requiritur ad peccandum, tamen si eo
tempore quis esset tam sagacis ingenij, ut cum re
uerentia posset & petere & suscipere decenter
hoc Sacramētum, posset ei certē dari. Quia uerō
in quibusdam regnis & prouincijs homines ci
tius maturum iudicium habere uidentur, quā
in alijs, communiter eo tempore dari hoc extre
mæ unctionis Sacramentum potest, quando scia
tur eius ætatis homines aptos esse, qui & illud pe
tere & suscipere cum reuerentia possunt, siue 10.
aut 12. siue pauciorum annorum aut purum illi
fuerint, qui extremum uirgū spiritum agunt. Cæ
terum extrema unctio dicitur, non quia in ultimo
uitæ

uitæ puncto datur, sed quia tunc potest dari, quando iudicio communi medicorum desperatur de salute corporis infirmi. Qui si postea gratia Dei sanaretur, factum nihilominus bene est, si commotio tempore datum hoc Sacramentum illi fuit.

IBIDEM LITERA C.

AD opus redire poterit coniugale, &c. Hoc intellige si maritus erat, uel uxor alicuius. Alioquin sanctius faceret modo posset (quod certe poterit, nisi legitimo aliquo impedimento detineatur) si unctus sacro oleo in uitæ extremo, reliquum uitæ tempus, quod misericordia diuina consequutus esset, Christo sancto regum regi uncto, dedicaret omnino, & perfectiore uitæ statu aliquem sibi delegaret, in approbata aliqua religione, ubi plenius & sanctius Deo omnipotenti posset & seruire & uiuere.

ALIA IBIDEM C.

Nullum inungite, &c. Satis bonum signum esset, si adhibuisset, quam potuit diligentiam, ut

O

con

confiteretur & communicaret, uel si piè & sanè
etè uixit, aut de mente eius non dubitatur, quin
esset petiturus si posset, quòd fuisset bene affe-
ctus erga Sacramenta omnia Ecclesiæ &c.

IN CAPVT VI. DE ORDI-

ne sacro, folij 10, pagina 1. B.

annotatio.

DEniq; si mediator non est bonus, discordes
reconciliare non potest, &c. Hoc non est intelli-
gendum de reconciliatione, quam consequitur
per oblationem illam diuinissimam corporis &
sanguinis Domini, uel alia sacramenta, quorum
sunt Sacerdotes ministri, qui sua ipsorum malitia
de Sacramentorum bonitate & amplitudine ni-
hil possunt detrahare. Sed fortè potest intelligi
hac ratione, quia preces Sacerdotis & consilia, si
ille malus est, aut etiam nulla erūt, aut mala erunt,
aut rara, aut etiā Deo & hominib; ingrata, unde
fit, ut mali homines malo Sacerdotū exēplo auda-
ciores multo ad peccandum aliquando euadant,
qui exemplo, orationibus, & pñs Sacerdotū mo-
ribus deberent alioquin conuerti ad Deum.

IN

IN CAPVT VII. DE SACRA-
mento matrimonij, folij 17. pagi-
na 1. A. explicatio.

Licet contractum teneat, &c. Horum uerbo-
rum sensus potest esse iste: etiam si contractum
matrimonium teneret uolumus, nihilo minus ta-
men, ut talibus sub excommunicationis poena
religionem intrare, uel castitatem seruare persua-
deatis. Et tunc non esset quaestio, utrum inter sa-
les matrimonium contractum teneret. Sed posset
forte quis dubitare, num expedierit ita in huiusce-
modi casibus procedere. Et dubio procul expe-
diret, si legitimae adessent causae, quae hoc fieri pos-
tularent. Alioquin si impedimenta fuerunt in con-
trahendo legitima, contractum non tenet certe.

IN CAPVT XII. DE CELE-
bratione diuini officij, folij 16.
pagina 1. B.

Si uero dormitio praecesserit, & digestio cele-
brata non sit, missam celebrare non licet, &c. Pos-
set quidem tunc quisque abstinere propter Sacra-
menti reuerentiam a missae celebratione. Et debe-

ret omnino, si periculum & indigestio magna esset. Alioquin poterit celebrare, si deuotio maximè sit maior quàm indigestio, uel si alia ratione celebrare teneretur, ut plebani festis diebus & dominicis.

IN CAPVT XIII. DE S.

monia uitanda, folij 17. pagi-

na 1. A. expositio.

AD quod etiam postmodum à uobis de iure cogi possunt, si diu fuerit consuetum, &c. Vt de iure nihil dicamus, mementote quæso, fratres dilectissimi, hoc maximè tempore plurimum expedire ad animarum infirmarum ædificationem, si etiam illa quæ iure optimo possumus repetere ab illis, uel eis dimiserimus, uel tam honestè petierimus, ut nullus poterit meritò de nobis conqueri. Igitur curandum erit, hoc ius uestrum ita exigere, ut interim animæ, pro quibus Christus passus est, sint uobis multo chariores omnibus prouentibus, quos ab illis hac ratione aliquando habuistis.

dilucidatio.

ET in morte securitatem præstare nequiverit, cimiterium ei denegetur, &c. Aut, nequiverit, ponitur hic pro noluerit. Et tunc iniquitatis, etiam in hoc mundo, meritò pœnam patitur suæ. Aut illud esset ad exemplum aliorum fortè aliquando faciendum, sed rarissimè, aut certè nunquam, si doloris & bonæ mentis signa in morte ostenderit miser illeraptor. Et sanè uidetur uerbum illud nequiverit positū pro noluerit cūm posset, cum in fine capitis dicatur: Et generaliter om. q. cons. in mort. pec. decel. qualis certè raptor ille esset, qui etiam in morte nollet restituere.

IN CAPVT XVI. DE SEN-

tentia excommunicationis, folij 19.

pagina .i. litera A. declaratio.

CUm aliquis participat cum excommunicato maiori excommunicatione, &c. Hoc intelligitur in casibus à iure non exceptis. Nam neq; ab omnibus, neq; semper contrahitur uel incurritur in minorem excommunicationē ob colloquium

cum excommunicato maiori, ut constabit & ex
directorio superius dicto.

IBIDEM LITERA C.

Solus Papa &c. uel legatus à latere extra mœ-
nia urbis Romę, uel quicumq; habuit potestatem
super hoc delegatam ab ipso summo Pontifice
Romano, uel ab eius legato à latere.

IBIDEM PAGINA II. A.

Porrò cum aliquis &c. Illa forma hoc maxi-
mè tempore non semper deberet obseruari, neq;
ubique obseruatur nisi in casibus publicis, nōq;
grauissimis. Nisi fortè in Ecclesia Nitriensi hac ra-
tione magis & absoluendus, & reliqui omnes,
qui id ipsum uiderent, iuuarentur in Domino.

IN CAPVT XVII. DE

habitu clericorum, folij 20. pa-
gina 2, litera C.

Contra

Contra facientes &c. Non comprehendunt;
uerba hæc, religiosos exemptos à iurisdictione,
ne Episcopi, qui alioquin si malè se gesserint, deses-
rendi erunt ad suum Prælatum, uel mediātū uel
immediatū, maximè si admoniti nō admodum;
uiderentur curare suam ipsorum emendationem;

IN CAPVT XXVI. QVALI

ter testam. fiant, folij 27. pagina 1. litera C.

per totum caput di

lucatio.

STatuimus & mandamus &c. Intelligant au-
tē hic rectores & sacellani, qui ad hoc uocabun-
tur, hanc constitutionem nō aliam ob causam
esse factam potissimum, quā ut solerter ac piē
curent, ne parentum, amicorum, affinium, moris,
entis ambitio nimia aut ignorātia, uel ipsius etiam
morientis ineptitudo, in causa sit, cur aliqui minus
rectē quā par esset, bona sua alijs testamento
mandent. Tum etiam nec eorum, quæ uel resti-
tuere fortē deberent ex necessitate, uel ob maio-
rem animæ salutem instituere, omnia irrationabi-
liter bona sua legando obliuiscantur. Sciat igitur
rector uel sacellanus, præclusam esse sibi hac ra-
tione

donec uiam, ne testamentum &c. possit pro arbitrio suo ad proprium suum commodum instituire. Desideria igitur & manus plurimum contineat à bonis illis, & solum curet coram Deo, ne in eo testamento fiat quicquam, quod sit alienum à uiro Christiano. Et qui corpus quidem terrarum bona sua legitimis hæredibus, & alijs suis operibus, animam uerò iuste ac sanctè Deo tradere tenetur.

IN CAPVT XXVIII. DE

excommunicatione, folij 22. pagi

na 2. B. annotatio,

Quia nullis possunt super hoc in priuilegijs Apostolicis se tueri. Hoc intellige quando esset contemptus, aut participatio in rebus diuinis, & Sacramentorum propriè dicta, quæ non essent sine peccato graui, quod priuilegia Apostolica non approbāt, cuius etiam auctoritate excommunicantur homines. Alioquin non solum ex ignorantia inuincibili quis excusaretur, si non uitaret excommunicatos, sed etiam ipsa iura quibusdam in casibus nos excusant, ut in sæpe memorato directorio habetur, & priuilegijs Apostolicis, quando

quando id necessitas fert, potest quis se tueri, ut
in Ecclesia, & extra uerſari inter hæreticos, &
cum illis loqui, & comedere eūam in eadem menſa
ſine peccato uel excommunicatione ualeat. Et
ſunt qui huiusmodi priuilegia hoc noſtro tem
pore habent, ut poſſint in Hungaria, & uicinis
prouincijs ac regnis, ubi tam multū hæretici excō
municati in iſtis etiā angulis inueniuntur. Quod
propriè non eſt communicare cum hæreticis, aut
excommunicatis. Ab irregularitate uerò, de qua
in fine dicti capitis agitur litera C. potest quis et
iam abſolui ab illis, qui ſuper hoc habent à ſummo pontifice facultatem.

*ſeu potius
diſponſari*

IN CAPVT XXX. DE RE

ligioſis mendicantibus, folij 30. pagi

na 1. litera C. & ſequentibus

paginis annotatio.

IN primis hæc ratione ducimus illam conſtitu
tionem obſeruandam, ut quicunq; nouerit reli
gioſum uel religioſos aliquos cuiuſcunq; ordi
nis eo modo malè ſe gerere, quemadmodum in
dicto capite exprimitur, nos aut uicarium no
ſtrum fideliter quamprimum admoneat. Deinde

P uerò

uerò, ut uniuscuiusq; iura seruentur, diligenter
curabimus per eorum Prælatos negotium, ut
deceat, expedire. Interim tamen possunt & debent
Archidiaconi eos honestè ac reuerenter admo-
nere, ne audeant talia facere, donec aliud statua-
tur, & eorum causa inter nos & Prælatos eorum
transigatur. Quòd si noluerint in damnum ani-
marum ipsorum & proximorum abstinere ab
inceptis, arceantur illi omnino absq; ulla iniuria
à nostro grege, & arrestentur bona ipsorum li-
bris exceptis. Si autem piè & religiosè uixerint,
idem nos quoq; abseruatum summo opere cupi-
mus & optamus, quod in dicta constitutione ha-
betur, ne eorum pñ conatus ac sancti labores ul-
la ratione impediatur, etiam si literas nostras nul-
las habeant, sed potius iuuentur eleemosynis, &
modis omnibus pñs, ut nos in parte ministerij,
quam suscepimus, iuuent, ac bonum anima-
rum uerbo & exemplo promoueat
ad maiorem Dei gloriam &

Ecclesiæ suæ au-
gmentum.

PERORATIO.

HÆc sunt, filij ac fratres in Christo Iesu dilectissimi, quæ uobis impræsentiarum communicata esse uoluimus, & quæ nulla ratione negligere debetis, cum ea certò sint, per quæ dirigi in his omnibus, quæ ad uestrũ spectant officium, optimè poteritis, ne ulla in re à recto deuietis tramite, ne offendiculum ijs, qui occasionem quærunt, relinquatis, & ne scandalo, sed exemplo illis sitis, qui curæ sunt uestræ commendati. Obsecramus igitur uos per uiscera misericordiæ Dei nostri, ut uiscera nostra paterna reficiatis, quemadmodum nos parati sumus, sanguinem etiam nostrum ad instar ducis nostri Christi Iesu pro animabus uestris fundere. Mementote fratres illorum Domini uerborũ: Ego uos elegi de mundo, ut eatis per uiam S. mandatorũ Dei, & sponsæ eius Ecclesiæ matris nostræ, quæ nos in Christo genuit, & fructum afferatis in patientia scilicet & sanctitate, salutem animarum uestRARUM REPORTANTES, ac omnium, quas uobis esse commendatas Deus uoluit: & proximorum quoq; uestrorum. Vnicuiq; enim commendauit Deus de proximo suo, & fructus uester maneat. Quod certè fiet, si ipsi uobiscum, & uos cum illis maior

P. ij rum

rum ueſtrorum, ac ſanctorū patrum ueſtigia fue-
ritis ſequuti. Qui cum imitatores Chriſti fuerint,
regnant cum Chriſto in pace, & cum ſanctiſſima
eius matre, et ſanctis angelis eius. Memētote itaq;
horum uerborum Domini, & contendite pro ui-
rili, prece ueſtra diuinæ facere ſatis uoluntati, ut
ſitis ſancti & immaculati in conſpectu Dei, ut ui-
deant homines quoq; opera ueſtra bona, & glo-
rificent patrem noſtrum qui in coelis eſt. Com-
mendamus uos Deo omnipotēti, fratres dilectiſ-
ſimi, B. uirgini Mariæ, ſanctis omnibus ſuis, &
angelis cuſtodibus, quorum meritis & precibus
utinam omnes cœleſtia illa bona conſequamini,
quemadmodū Paulus Abſtemius ueſter in Chri-
ſto frater, & Chriſti Ieſu ſeruus deſiderat, optat,
atq; precatur, Amen.

VIENNÆ AVSTRIÆ

ſeptimo Aprilis.

1560.





